

bosansko-hercegovački magazin

Europa

decembar 2014

Dejton Oca i Sina

Uzduž i poprijeko kroz BiH: Kalesija

Intervju: Prof. dr. Dževad Jahić

**U OVOM BROJU POKLON:
KALENDAR ZA 2015. GODINU!**



ADVOKATSKA KANCELARIJA

Aleksandra H. Bronsted, PC

Attorney at Law



Aleksandra H. Bronsted

Osobne ozljede zadobivene:

Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice

6065 Lake Forrest Dr.
Suite 200
Atlanta, GA 30328



Porodično pravo/Divorce

Krivično pravo/Criminal Law

D.U.I

Phone: (770) 451-3818 • Fax: (770) 451-3922

Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Dejton Oca i Sina

12 Bosna i Hercegovina

Najuspješnija reforma ne može dalje

18 Intervju

Prof. dr. Dževad Jahić:

“Bošnjaci često rade protiv sebe, ali

Bosna neće nestati ”

26 Društvo

Uzduž i poprijeko kroz BiH:

Kalesija

32 Nauka

34 Automobili

36 Film

38 Sport

40 Porodica

44 Zabava

46 Oglasi

PROUD MEMBER

Gwinnett Chamber 

*Sretnu i uspješnu Novu 2015.
Vam želi ekipa Europa Magazina!*



*Svim čitaocima katoličke vjeroispovijesti
želimo sretan i čestit Božić*



FASTV-kanal# 19

NETTV-kanal# 27

BOSNATV-kanal# 20

Europa Magazine je partner Hayat TV-a za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego što mislite!



tel.: + 387 33 580 900
fax: + 387 33 580 909
prodaja@hayat.ba
www.hayat.ba

Dejton Oca i Sina

Kako protiču godine, evo već ih je 19 otkako su predsjednici Bosne i Hercegovine, Hrvatske i Srbije – Alija Izetbegović, Franjo Tuđman i Slobodan Milošević – stavili inicijale na sporazum postignut nakon tronedjeljnih pregovora u vojnoj bazi u Dejtonu u američkoj državi Ohajo, „Dejton“ izaziva različita osjećanja i reakcije „legitimnih predstavnika tri konstitutivna naroda“ u Bosni i Hercegovini: za Bošnjake – to je međunarodno nametnuti sporazum koji doživljavaju kao „ludačku košulju“; za Hrvate – okvir u kojem su uskraćeni za punu ravnopravnost; za Srbe – „slovo Dejtona“ je garancija postojanja Republike Srpske u svom „punom ustavnom kapacitetu“.

Bošnjački odnos prema Dejtonu odredio je tadašnji predsjednik Bosne i Hercegovine Alija Izetbegović, kad je u hladno dejtonsko jutro 21. novembra – nepuna dva sata prije zakazane press konferencije na kojoj će američki pregovarači objaviti neuspjeh pregovora – prihvatio Miloševiću ponudu da se još neriješeni status Brčkog riješi međunarodnom arbitražom, i teška srca zaključio: „Ovo je nepravedan mir“, a zatim dodao „ali moj narod treba mir“.

To je svih ovih godina u bošnjačkoj javnosti pothranjivalo osjećaj kako je „nepravedni mir“ nametnut žrtvi i praktično je onemogućavalo kritičku valorizaciju uloge i političke kompetentnosti tadašnjeg bošnjačkog vodstva i njegove odgovornosti za promjenu međunarodne percepcije rata u Bosni i Hercegovini od agresije na međunarodno priznatu državu do međuetničkog sukoba koji se onda rješava mapama i teritorijalnim podjelama.

A kolika je potreba za tom kritičkom valorizacijom i koliko je odsustvo političke vizije i alternativa toj politici podjele pokazao je – upravo uz 19. godišnjicu Dejtonskog sporazuma – najautentičniji sljedbenik Alije Izetbegovića: njegov sin Bakir koji je upravo ponovo izabran za člana državnog Predsjedništva.

Gostujući u Centralnom dnevniku Senada Hadžifejzovića, na pitanje da li bi u Dejtonu bilo nešto drugačije da je on bio uz oca, odgovorio je kako nije trebalo priznati Republiku Srpsku i kako bi on „dao više Srbima u Sarajevu, a više Bošnjacima na Drini“.

„Da sam bio u Dejtonu, možda bi to bilo drugačije“.

Ta izjava značajna je prije svega kao najviši simbolički izraz pustoši u bošnjačkom političkom razumijevanju i promišljanju nedavne prošlosti i dobrim dijelom objašnjava odsustvo vizije budućeg. Prvo – ona počiva na pogrešnoj pretpostavci da se o Republicu Srpskoj i teritorijalnom razgraničenju odlučivalo pod pritiskom u Dejtonu.

To jednostavno nije tačno: o razgraničenjima i mapama razgovaralo se od samih početaka međunarodnih pregovora o Bosni i Hercegovini, od Lisabona preko Ženeve do Dejtona i oni koji su u tim pregovorima zastupali državu nikada u tom procesu nisu imali viziju očuvanja njene cjelovitosti i obezbjeđenja ustavnih, a ne teritorijalnih garancija ravnopravnosti.

Drugo – ona pokazuje da ni gotovo 20 godina kasnije bošnjačka politika nema ništa značajnije da ponudi osim trgovinske teritorijama („dao bi Srbima više u Sarajevu, a Bošnjacima više na Drini“).

Nad mapama se može rekonstruisati istorija onoga što je međunarodno-pravno okarakterisano kao „udruženi zločinački poduhvat“ u ubijanju Bosne: njena etnička mapa po posljednjem predratnom popisu iz 1991. pokazala bi kako u njoj jednostavno nije bilo značajnijih teritorija koje bi mogle biti dodijeljene Bošnjacima, Srbima ili Hrvatima i kako su et-



nička razgraničenja mogla da se provedu samo u „etničkim čišćenjima“. To se potvrđivalo sa svakom novom kolekcijom mapa podijeljene zemlje: progoni su se odvijali na teritorijama koje su u mirovnim pregovorima i ponuđenim mapama bile namijenjene jednoj, drugoj ili trećoj „strani“.

Dejton je u tom procesu bio samo finalizacija ranije već postignutih sporazuma i o Republici Srpskoj i o teritorijalnom omjeru razgraničenja - 51 prema 49 posto - i o ustavnim ovlaštenjima države i njenih entiteta.

U njemu je, recimo, sporazum o Sarajevu – nasuprot izjavi Izetbegovića mlađeg kako se za nešto manje u Sarajevu moglo dobiti nešto više na Drini – prošao kroz brojne alternativne varijante: od neke vrste distrikta sličnog Vašingtonu preko gra-

da koji bi se brinuo o zajedničkim potrebama (struja, voda, saobraćaj) dok bi opštine same odlučivale hoće li pripadati Republici Srpskoj ili Federaciji do iznenađujućeg ustupka Miloševića u samoj završnici pregovora da su „Muslimani zaradili Sarajevo“ nakon što su izdržali „trogodišnje granatiranje bosansko-srpskih kukavica“. Sličan teritorijalni ustupak napravio je i pristankom za proširenje goraždanskog koridora koji je u dejtonskim kuloarima nazvan i „put viskija“ jer je Milošević na to pristao tek kad je popio četiri čaše iz boce s viskijem. Sporazum je postignut tek u posljednjem trenutku njegovim pristankom na naknadnu arbitražu o Brčkom.

Bosanskohercegovački pregovarači ostavili su na službene

američke posrednike utisak „mini-Jugoslavije“: Izetbegović – ili „Izzy“ iz njihovih službenih bilješki – više im se činio kao „vođa pokreta nego praktični lider na vlasti“, a Silajdžić i Šaćirbej bili su više zaokupljeni međusobnim rivalstvom nego samim pregovorima. Na kraju su prihvatili Dejtonski sporazum, jer je alternativa bila puno neizvjesnija: Amerikanci su bili spremni da dalju brigu o Bosni prepuste Evropljanima a oni su – po Holbrukovoj službenoj bilješki – bili skloni da prihvate ishod koji bi povećao šanse za „veliku Srbiju“.

*Kemal Kurspahić
Radio Slobodna Evropa*



DMS

Dino Multi-Services

PREVODI, NOTARSKI I
ADMINISTRATIVNI POSLOVI

Pružamo usluge:

- Notara, Apostille
(međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU

NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO

LERO TRAVEL
Phone 404-660-0910

Enver Šejtanić



1405 Wheatfield Drive
Lawrenceville, GA 30043

enver@lerotravel.com
Save money Book online

www.lerotravel.com



**Health Insurance and
OBAMACARE**

Get Covered! 11/15/14 - 02/15/15

**Blue Cross
Blue Shield**

Humana

**Kaiser
Permanente**

Assurant

**Coventry
Healthcare**

Aetna

**United
Healthcare**

Cigna

**Ambetter
Peach State**

**and Other
Companies**

**FREE
Enrollment Help
from a LICENSED
Professional**

**Get Answers
TODAY!**

**FREE
Consultations
(New Plans,
Renewing Plans Or
Changing Plans)**

**FULL SERVICE
On or Off
the Marketplace**



Dali Josipovic
(678) 776-1395
Call, Text or Email

**Office: 3079 Crossing Park Rd.
Norcross, GA 30071**

Email: daliwfg@gmail.com
Fax: (770) 466-5613



Broj zločina iz mržnje najveći u regionu

Kancelarija za demokratske institucije i ljudska prava polovinom novembra objavila je podatke prema kojima je prošle godine u Bosni i Hercegovini zabilježeno 350 zločina iz mržnje, što je znatno više o odnosu na susjedne države, dok je broj procesuiranih zločina iz mržnje u BiH 77. Za iste je kažnjeno 88 počinitelaca.



Svake godine Kancelarija za demokratske institucije i ljudska prava objavljuje izvještaj i informaciju o zločinima iz mržnje i incidentima koji se dešavaju u 57 zemalja članica.

„Sami podaci za 2013. godinu jasno demonstriraju da zločini iz mržnje i dalje predstavljaju važan izazov i da je to jedno od pitanja sa kojim se zemlje članice moraju ozbiljno pozabaviti. 36 država zemalja članica dostavilo nam je informacije o ovom pitanju za 2013., dok nam je 109 nevladinih organizacija dostavilo informacije koje pokrivaju incidente koji su se desili u 45 zemalja“, kaže Azra Junuzović, zamjenica šefa Odjela za toleranciju i nediskriminaciju pri Kancelariji OEBS-a u Varšavi.

U Bosni i Hercegovini je u 2013. zabilježeno 350 zločina iz mržnje. Ova brojka je povećana u poređenju sa Hrvatskom gdje je evidentirano 35, odnosno 64 slučaja u Srbiji. Zločin iz mržnje ne bira subjekta.

„Došli smo do saznanja da su najčešće napadi na one vidljivije LGBT osobe u BiH, te da napade obično vrše mladi ljudi, recimo od starijih maloljetnika do osoba 30 godina

starosti“, kaže Vladana Vasić, koordinatorka u Sarajevskom otvorenom centru.

„Konkretno, prema LGBT osobama u prošloj godini zabilježimo 18 zločina iz mržnje, od čega su se desila četiri fizička napada, a jedan je rezultirao ozbiljnim povredama, dok se o drugom radilo o razbojništvu i ti slučajevi su prijavljeni. Dakle, bilo je više slušajeva prijetnji i zastrašivanja, te tri grupna napada“, tvrdi ona.

Vasić navodi da je društvo u Bosni i Hercegovini veoma netolerantno, homofobično, i transfobično.

„To prističe zbog manjka i lošeg sistema edukacije u društvu. Još uvijek se o temi LGBT-a u bh. školama i fakultetima govori kroz zastarjele programe i knjige koje još uvijek homoseksualnost svrstavaju u bolest, te se nikako ne radi na edukaciji stanovništva, kao i na poticanju tolerancije i upoznavanju različitosti“, ističe Vladana Vasić.

I Međureligijsko vijeće u Bosni i Hercegovini zabilježilo je u prošloj godini 30 slučajeva zločina iz mržnje prema pripadnicima i imovini vjerskih zajednica.

„Nakon četiri godine praćenja primijetili smo da je najveći problem nedovoljno strogo kažnjavanje počinitelaca, jer ako imate slučajeve ispisivanja grafi- ta ili ako je razbijen prozor na nekom vjerskom objektu to ne znači da se samo desila neka materijalna šteta, već je veći problem ta negativna poruka koja se šalje pogotovo ako se radi o nekoj manjinskoj vjerskoj zajednici“, pojašnjava Emir Kovačević, izvršni sekretar Vijeća.

Od septembra je pokrenuta i internet stranica u namjeri da državama članicama OEBS-a, civilnom društvu, medijima i javnosti olakša pristup informacijama o zločinu iz mržnje koje je skupila Kancelarija za demokratske institucije i ljudska prava. Podaci pokazuju da je u posljednje četiri godine u porastu broj ovakvih zločina.

„Naši izvještaji se ne bave konkretnom analizom šta potpiruje mržnju, već o tome da zločini iz mržnje predstavljaju opasnost i problem koji mogu uroziti sigurnost građana. Stoga je neophodno da se države članice pozabave tim pitanjima kako bi zaštitili same građane, odnosno kako bi osigurale da građani imaju najadekvatniju zaštitu i pomoć kako ti zločini ne bi eskalirali u šire razmjere“, zaključuje Azra Junuzović.



Sabina Mortgage, Inc.

Mi kreiramo zajmove prema Vašim potrebama

703-537-5426

Nudimo čitav spektar programa koji uključuju:

COMMERCIAL LOANS – ZA KUĆE ZA RENTANJE

MULTI-FAMILY, MIXED USE, OFFICE, RETAIL

WEARHOUSE, STORAGE, AUTO SERVICE

**RESIDENTIAL LOANS IN VIRGINIA KOJI UKLJUČUJU: CONVENTIONAL, FHA, VA, JUMBO,
NO-MI-LOANS**

MINIMALNA DOCUMENTACIJA NA COMMERCIAL LOANS I VEOMA ATRAKTIVNE KAMATE!

Sabina Mortgage, Inc. Licensed in Virginia - NMLS #499850

2984 Trousseau Lane, Oakton VA 22124

Email: sabina@sabinamortgage.com

website: www.sabinamortgage.com



**WINDOW REPLACEMENT
DONE RIGHT.**

**Peace of mind from
the name you trust.**

1-800-908-8546

free in-home consultation



Exclusive Provider of
VantagePoint
Windows and Doors By simonton

**J.D. Power Highest in Customer
Satisfaction with Windows
and Doors, Four Years in a Row.
Tied in 2013.**

Simonton Windows received the highest numerical score among window and door manufacturers in a tie in the proprietary J.D. Power 2010-2013 Windows and Patio Doors Satisfaction Studies™ (Tied in 2013). 2013 study based on responses from more than 2,554 consumers measuring 11 brands and measures opinions of consumers who purchased new windows or patio doors in the previous 12 months. Proprietary study results are based on experiences and perceptions of consumers surveyed in January – February 2013. Your experiences may vary. Visit jdpower.com.

Bh. industrija nestaje, država mora ulagati u realni sektor

Metalna, drvena, tekstilna, hemijska, mljekarska, transportna industrija... Sve ove industrijske grane, prema izvještajima medija, ali i zvaničnih saopštenja udruženja poslodavaca, sindikata, te institucija koje prate ekonomska kretanja, su na koljenima.

Nerijetki su oni analitičari koji tvrde da bh. industrija, polako, ali sigurno nestaje. Prijeti joj potpuno gašenje. Podloga za ovakve tvrdnje su brojke u statistici izgubljenih radnih mjesta, koje, kada je industrija u pitanju stalno rastu, jednako kao i broj propalih industrijskih kapaciteta.

Od nekoliko hiljada industrijskih preduzeća, koliko ih je prije rata bilo u BiH, danas ih je likvidno tek nešto više od stotinu. Prema zvaničnim podacima više od 65 posto radne snage prije devedestih godina dolazilo je iz proizvodnih i industrijskih grana. Danas ih je manje od 10 posto!

Veliki giganti poput "Agrokomerca", koji je prije rata zapošljavao više od 13.000 radnika, mostarskog "Sokola", ponosa vojne industrije, "Energopetrola" najjače naftne kompanije u BiH, zatim "Famosa", ili "TAS"-a danas se smatraju posrnutim kompanijama. Ova preduzeća su uglavnom u procesu privatizacija sistematski uništavana. Dio velikih sredstva proizašao iz privatizacija preduzeća, završio je u džepovima različitih mešetara, no za to još nikada niko nije odgovarao.

BiH danas u regionu, ali i šire, ima najlošije rezultate u

procesu restruktuiranja velikih preduzeća. Mnoga od njih se još naslanjaju na skrivenu pomoć ili subvencije, umjesto pokretanja na profesionalnoj ili finansijskog osnovi. Primjena stečajnog zakonodavstva je slaba, a uprkos značajnim planovima za privatizaciju, tek nekoliko velikih preduzeća je dovedeno na tržište.

Jelica Grujić, direktorica Agencije za unapređivanje stranih investicija u BiH, kazala nam je da je promjena uslova za lakše i jednostavnije korištenje finansijskih sredstava najznačajniji preduslov za reindustrijalizaciju i otvaranje novih kapaciteta.

Prema njenim riječima, prelazak na tržišni način poslovanja zahtijevao je i promjene u načinu organizovanja i upravljanja velikim industrijskim kapacitetima.

- Privatizacijom, veliki broj preduzeća je došao u privatno vlasništvo i to većinom ne u cjelini. Ovakva situacija može da dovede u pitanje upravljanje i pozicioniranje na tržištu, a ako tome dodamo i period rata koji je ostavio dubok trag, jasno je da takve kompanije teško mogu da povrate i tržište i konkurentnost. Činjenica je da je i predratna BiH bila oskudna u kapacitetima za industriju finalnih proizvoda, za ono vrijeme dominantna namjenska industrija i sistemi vezani za međudržavne aranžmane bivše države u potpunosti su ili devastirana ili su neuspješno transformisana - objasnila je naša sagovornica.





SUNNE LAW PC

Tough Advocacy & Compassionate Counseling

Call for a free Workers' Compensation case evaluation.

Nazovite za besplatnu konsultaciju. Nakon razgovora bit ćete sigurni da saradujete sa najboljim advokatom u Džordžiji

After talking to Celia Sunne, you will be confident that you hired the Best Attorney in Georgia.



Sunne Law- Protecting and Empowering Our Injured Clients for over 25 years

Sunne Law zastupa i vodi slučajeve povredjenih klijenata preko 25 godina

404-240-0975

651 Dallas Street, NE, Suite B, Atlanta, GA 30308

InjuryLawyerAtlanta.net



Hrana Sreću Draga.

brothersisterfood.com

Ona smatra da postoji mnogo kompanija u BiH koje dobro rade, a uglavnom su izvozno orijentisane i svoj rad su prilagodile najzahtjevnijim potrošačima. To su najvećim dijelom resursno orijentisane investicije.

- Tržište je utakmica, pobjeđuju oni koji su bolji, brži i efikasniji. Obilaskom terena u prethodnih godinu i po, posjetili smo gotovo stotinu kompanija s elementom stranog uloga, od kojih je više od 90 posto izjavilo da planira nova ulaganja i zapošljavanja. To su kompanije koje su kreirane po mjeri tržišta - dodala je Grujić.

Almir Jazvin, predsjednik Uprave „Prevent BH“ rekao je da naša zemlja kao izvozno orijentisana ekonomija ima niz prednosti koje može potencirati u cilju ostvarenja što većeg izvoza u Evropskoj Uniji i druge zemlje šireg regiona.

- Blizina Evropskoj uniji i najvećim tržištima, stabilna valuta, elminisan valutni rizik, povoljna i dostupna cijena energije, industrijska kultura te iskustvo u određenim industrijama su samo neke od prednosti koje se mogu još snažnije naglasiti u odnosu na druge zemlje izvoznike u EU. Pouzdana i relativno mlada radna snaga, te povoljan sistem dijela direktnih i indirektnih poreza su dodatni pozitivni elementi poslovanja u BiH za izvozno orijentisane kompanije. Ipak, takve prednosti su često u sukobu sa unutarnjim zakonskim i poreskim rješenjima - kazao je Jazvin.

On je istakao da „Prevent grupacija“ potencira ove prednosti i svojim partnerima koji uprkos slabostima bh. ekonomije, prepoznaju primjenu EU standarda i normi poslovanja.

- Naša usredotočenost na konkurentnost je uzrok dobrih izvoznih rezultata i kontinuirane saradnje sa renomiranim brendovima i proizvođačima autoindustrije, namještaja i lidera u konfekciji i tekstilu - kazao je Jazvin.

On smatra da je ispravno fokusirati se na industrije i sektore, a manje na preduzeća. Konkurentnost i proizvodi preduzeća su ključni za dugoročan razvoj.

- Naša grupacija je dobar primjer dugoročne orijentacije i konkurentnosti. U vrijeme najveće krize u evropskoj autoindustriji, „Prevent“ je doživio najveću stopu rasta prodaje u Evropi, prepoznavanjem prilika, efikasnim donošenjem efektivnih odluka i konkurentnost su samo neki od elemenata. Duži period potenciramo i sektore koje imaju značajan potencijal za rast, a to su energetske, drvo-prerađivačka i

industrija namještaja, metal sektor, te tekstil i obuća - objasnio je Jazvin.

U BiH u posljednje vrijeme prehrambena industrija doživljava renesansu, a ICT industrija bilježi značajan rast. Poduzetnički duh je itekako prisutan i zasigurno se radi o perspektivnim industrijama.

- Fokus na stvaranje malih preduzeća u obnovi ekonomije od 1996. godine nije bio potpuno ispravan jer nije omogućio stvaranje efikasne mreže lanca isporuka i stvaranje dodatne vrijednosti u BiH. Na taj način je izostala efikasnost i konkurentnost dijela preduzeća dok su ona koja su implementirala vertikalnu integraciju i stvaranje dodatne vrijednosti ostvarila zapaženi rezultate. Izostanak strateških investicija u infrastrukturu nije pomogao u tom procesu - kazao je naš sagovornik.

Prirodni resursi također nisu dovoljno korišteni za jačanje energetike, poljoprivrede i prehrambene industrije.

- Izostala su blagovremena ulaganja u realni sektor, osim izuzetaka koje danas svi možemo prepoznati. Predrasude o BiH su tome doprinijela, ali tu percepciju je trebalo na vrijeme mijenjati - zaključio je Jazvin.

Branimir Muidža, generalni direktor Tvornice cementa Kakanj, kazao nam je da je evidentno da su preduzeća u vlasništvu države neefikasnija u odnosu na ona koja to nisu.

- Da bi ta poduzeća opstala nužno je da se prilagode potrebama tržišta i postanu znatno konkurentnija. Da bi to bile u stanju trebalo bi da se moderniziraju, dakle potrebno je uložiti znatna finansijska sredstva u revizalizaciju svojih pogona i opreme, potrebno je uraditi reorganizaciju rada i poslovanja, provesti mjere racionalizacije i štednje, pospješiti plasman proizvoda, raditi na inovaciji, usvajanju novih svjetskih know-howa a to može biti ostvarivo samo sa svježim kapitalom, jasnom poslovnom vizijom - kazao je Muidža.

Prema njegovim riječima za veliki broj tih kompanija bi spas bio da se na transparentan način prodaju međunarodnim uspješnim kompanijama koje bi podigle poslovanje, razinu zaposlenosti i standard.

- Uvjeren sam da opstojnost industrije garantuje i opstojnost nacionalne ekonomije a i demografije jer će mladi ambiciozni ljudi imati bolju priliku da svoju budućnost vide i grade u svojoj državi - dodao je Muidža.





PainFreeAtlanta.com
Saobraćajni Udesi | Povrede Na Poslu
Padovi na Privatnoj Imovini



Pain Free Atlanta je mreža doktora i advokata koja postoji da se pobrine o vama nakon saobraćajne nesreće, povrede na poslu i pri padu na privatnoj imovini.

Kada vam zatreba prava pomoć Pain Free Atlanta je uz vas!



Ako želite da zakažete termin pozovite
404-333-7777

Više lokacija u Atlanti.

Mirela Žižić
Marketing Koordinator
painfreeatlanta@gmail.com

www.painfreeatlanta.com

Osman "Cico" Vujinović

cell: 404-550-8054
fax: 404-641-1831
e-mail: osmanvu@gmail.com

Specijalnosti:
bankovne kuće,
foreclosure i HUD kuće



tel > 1.773.525.4889

fax > 1.773.435.6753

e-mail > info@styletravelusa.com

<4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i
paket aranžmane za

- * Mexico
- * Caribbean
- * Hawaii

< www.styletravelusa.com >

Najuspješnija reforma ne može dalje

Oružane snage BiH ovog mjeseca obilježavaju devetu reformu do sada, drugi traže demilitarizaciju a konsenzusa za pristup NATO savezu još nema.

Preko 400 hiljada vojnika u tri vojske, Vojska RS, Hrvatsko vijeće odbrane (HVO) i Armija BiH, za samo nekoliko mjeseci raspušteno je i formirana je profesionalna vojska od oko 10 hiljada vojnika koja i danas broji približno toliko članova. Neki su je vidjeli najuspješnijom reformom nakon Dejtonskog sporazuma s obzirom da sistem koji je uspostavljen unutar Oružanih snaga, u zemlji kakva je BiH, djeluje i danas. Ivo Miro Jović jedan je od glavnih učesnika u procesu reforme Oružanih snaga u BiH. U mandatu 2002-2006. godina bio je član Predsjedništva BiH i direktno učestvovao u reformi tri vojske. Nakon devet godina sa ponosom govori o tadašnjim događajima.

Trebali smo imati i vazduhoplovstvo

„Trebalo je tada odlučiti koji su to rodovi vojske koji nam trebaju. Bilo je razmišljanja da imamo i vazduhoplovstvo i da manifestaciono imamo i mornaricu. 419 hiljada vojnika je bilo na prostoru BiH nakon rata. Ako smo uspjeli u tom segmentu napraviti vojsku sa nešto manje od 10 hiljada vojnika onda se može reći da je to najuspješnija reforma u BiH“.

Međutim BiH godišnje izdvaja za OS BiH oko 300 miliona maraka pa se u javnosti često vode rasprave oko toga da li je

BiH potreban tako skup vojni aparat. Ako se ovom doda činjenica da je pod četiri hiljade oficira i podoficira u Oružanim snagama BiH oko pet hiljada vojnika, postavlja se pitanje da li su Oružane snage samo dobar poslodavac za visokorangirane vojnike. Zbog toga se sve više „običnih“ vojnika odlučuje za odlazak u mirovne misije u kojima mogu zaraditi i do šest hiljada maraka.

„Nakon što nam je nedavno smanjena plata ozbiljno razmišljam da se prijavim u mirovnu misiju. To je jedino što me još drži u vojsci. Ne mogu više da pokrijem osnovne životne troškove tako da bi odlazak u neku od mirovnih misija bio rješenje“, kaže jedan od pripadnika Oružanih snaga BiH, koji nije htio da mu otkrivamo ime, navodeći da samo vikende provodi sa porodicom s obzirom da radi u kasarni koja je mu je 300 kilometara udaljena od mjesta prebivališta.

Neophodne reforme za MAP

Ruku pod ruku sa pričom o OS BiH ide i priča o NATO-u, a u slučaju BiH to se automatski veže za knjiženje perspektivne vojne imovine, odnosno 63 lokacije koje su u vlasništvu države ali na teritoriji entiteta i koje čekaju na uknjižbu. Zbog toga još od 2009. godine BiH ne napreduje prema NATO-u s obzirom da je tada u Talinu pristupila Akcionom planu za članstvo u NATO (MAP), nakon čega ništa nije realizovano. Analitičar Srećko Latal ne spori da je reforma Oružanih snaga jedna od najboljih koja se dogodila u BiH ali ističe da





REALTY PROFESSIONALS

**BUYING • SELLING • LEASING
RESIDENTIAL • COMMERCIAL**

**ARMIN MEHMEDOVIC
(404) 512-0509**

arminsellsatlanta@yahoo.com

NOW HIRING!

Over The Road Owners Operators & Company Drivers

BEST WAY SERVICES, LLC

**RECEIVE A \$500 BONUS
AFTER 6 MONTHS OF EMPLOYMENT**

1985 NW 94th St. Suite G, Clive, IA 50325
5419 Gravois Ave, St. Louis, MO 63116

- *Offering good rates
- *Satisfactory safety rating
- *Working with all major brokers
- *Dedicated lane position available
- *Team driving position available
- *Fuel card
- *Paid per mile or percentage
- *24 hour emergency dispatch service available for drivers
- *Help with IFTA filing



Also hiring experienced dispatcher for the St. Louis office.

For more information please contact Besim or Amela at:
515.554.1711 or 515.276.0646

je potrebno da zemlja krene naprijed a to znači ispunjavanje uslova za pristupanje NATO savezu: „BiH se zbog političkih podjela nalazi daleko od NATO-a. Ono o čemu mi u ovom trenutku možemo govoriti je MAP ali to ne znači članstvo već još jedna lista zadataka koje BiH treba da ostvari. Reforme koje se zahtjevaju su reforme koje su BiH u svakom slučaju neophodne. BiH se u ovom trenutku ne bi možda trebala zamaratati pitanjima da ili ne NATO, već ispunjavati uslove, pa nakon nekoliko godina odlučiti gdje je BiH u odnosu na geopolitičku mapu svijeta“.

U tim odnosima demilitarizacija je uvijek aktuelno pitanje koje je bilo visoko na listi i tokom uspostavljanja Oružanih snaga prije desetak godina. Upravo nepostojanje političkog konsenzusa dovelo je do toga da iz RS godinama imamo zahtjeve za drastičnim smanjenjem broja OS BiH pa čak i demilitarizacijom s obzirom da se novac koji se izdvaja za OS BiH, kako tvrde, može izdvojiti za mnogo kvalitetnije projekte u BiH.

RS ne odustaje od demilitarizacije i referenduma

„Mi dugoročno ostajemo pri demilitarizaciji u BiH što podrazumjeva ukidanje vojnih struktura u borbenom smislu ali mogu da ostanu neki reprezentativni dijelovi. Stabilnost BiH zavisi od njene demilitarizacije a ne militarizacije. Svjesni smo da kretanje prema NATO-u znači ispunjavanje uslova iz MAP-a. To znači rješenje pitanja oko knjiženja imovine ali ne samo vojne“, kaže predsjednik RS Milorad Dodik navodeći da pitanje ulaska BiH u NATO ne zavisi od Rusije ili bilo koga drugog.

„Naša pitanja su i prije ukrajinske krize bila veoma jasna. NATO je bombardovao srpske položaje osiromašenim uranijumom. Na tim mjestima evidentiran je porast oboljenja stanovništva i novorođene djece od malignih i drugih teških oboljenja. Drugi razlog je proglašena neutralnost Srbije i mi ne želimo da se NATO granica postavi na Drini. Ako se to promijeni u Srbiji, mi ćemo putem referenduma pokušati da čujemo ljude ovdje“, zaključuje Dodik.

Izetbegović: „Možemo i prečicom knjižiti imovinu“

Ipak zajednički je stav svih u BiH da je ispunjavanje reformi koje su definisane MAP-om neophodne i da je krajnje vrijeme da se konačno ta pitanja okončaju. Da političkog konsenzusa nema potvrđuju različiti stavovi političkih predstavnika

iz RS i Federacije BiH kada je riječ ne samo o NATO savezu već o načinu knjiženja vojne imovine kao uslova za MAP.

„Moglo bi se to, kako kažu, prebiti preko koljena. Dakle direktno registrovati, jer je sve to državna imovina. Ministar odbrane može dati nalog Pravobranilaštvu BiH da tu stvar registruje. Nismo još krenuli tom prečicom jer kada su u pitanju Oružane snage BiH i put u NATO, želimo da imamo konsenzus“, kaže bošnjački član Predsjedništva BiH Bakir Izetbegović.

BiH ima sporazum sa zemljama regiona o tzv. balansu vojnih snaga, mada je malo poznat u javnosti i teško je dobiti konkretne podatke o tome. Beriz Belkić, koji je član Komisije za odbranu i bezbjednost Parlamenta BiH, nekoliko je puta tražio informaciju o načinu sprovođenja tog sporazuma: „Jer svjedoci smo da susjedi, koji su nekoliko puta snažniji i imaju konsenzus oko strukture i namjene vojske, nabavljaju i avione i savremena oružja. Tako da ne možete očekivati da se region demilitarizuje u ovim odnosima“.

Stvarna uloga OS BiH

Međutim u resornom ministarstvu već dugo se ne bave političkim pitanjima, ako je suditi po aktivnostima koje sprovode. Ovogodišnje poplave, kaže ministar odbrane Zekerijah Osmić, izbacile su na površinu sve ono dobro što OS BiH mogu da pruže u najtežim trenucima, što i jeste njihova misija. Značajni rezultati, kaže, postignuti su i u uništavanju naružanja i minsko-eksplozivnih sredstava: „Uništeno je oko hiljadu tona municije i minsko-eksplozivnih sredstava čime je ukupna količina sada smanjena na 16 hiljada tona. Ministarstvo odbrane BiH je uputilo prijedlog Predsjedništvu BiH da se određeni dio sredstava iz viškova donira vladi Iraka, kako bi i na taj način smanjili viškove i dali svoj doprinos protiv ISIL-a i borbi protiv terorizma“.

Oružane snage BiH učestvovala su do sada u nekoliko mirovnih misija u svijetu gdje su postignuti dobri rezultati. Više od 900 pripadnika OS BiH do sada je učestvovalo u misijama u Etiopiji i Eritreji, Iraku i Afganistanu, te Kongu i Maliju. To je i osnovni argument za sve one koji su za opstanak OS BiH. Ipak u svjetlu novih geopolitičkih odnosa ali i onoga što BiH može finansirati u ovom trenutku, pitanje je da li će OS BiH imati zaokruženu reformu u nekom od vojnih saveza ili kao samostalni subjekt unutar BiH.





FASTV

NOVO HAYAT PAKET OD SAD NA FASTV!



za samo **\$20**

Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE 100+ TV KANALA iz Balkana za samo \$20

1-866-639-8911

Address: 2320 Arthur Ave Bronx, NY 10458

Telephone: 1-866-639-8911

Website: www.FASTV.com

Zapadni Balkan postaje prostor za Putinovo “sređivanje računa” sa Zapadom

Nakon govora njemačke kancelarke Angele Merkel 17. novembra na Lowy Institutu za međunarodnu politiku u Sidneju uslijedila je žučna rasprava na temu vanjske politike. Osim što je bila izrazito kritična prema aktivnostima ruskog predsjednika Vladimira Putina u proteklih nekoliko mjeseci, Merkel je također izjavila da nije uvjerena da će se on povući iz Ukrajine.

Merkel je upozorila da Europska unija mora zauzeti čvrst stav prema Rusiji.

„A to se ne odnosi samo na Ukrajinu,“ rekla je. „To se odnosi i na Moldaviju i na Gruziju, a ako se ova situacija nastavi, morali bismo razgovarati i o Srbiji. Morali bismo razgovarati i o zemljama Zapadnog Balkana.“

Tokom proteklih nekoliko godina, politika Europske unije prema državama Zapadnog Balkana -- Bosni i Hercegovini, Kosovu, Makedoniji, Crnoj Gori i Srbiji -- je najblaže rečeno bila politika benignog zanemarivanja, uz jednu iznimku, a to je Catherine Ashton, bivša šefica EU za vanjsku politiku, koja je uložila ogroman napor i vrijeme u pregovore između Srbije i Kosova, nakon što je Kosovo 2008. godine proglasilo neza-

visnost.

Njemačka je iza kulisa imala ključnu ulogu u tom pregovaračkom procesu. Za Berlin je to značilo uspostavljanje dugoročne stabilnosti na Zapadnom Balkanu i približavanje ovih zemalja Europskoj uniji. To je nešto što Rusija sada pokušava usporiti, ako ne i zaustaviti.

Rusija već dugo vremena usmjerava svu svoju pažnju na Beograd, koji već tradicionalno održava čvrste veze sa Moskvom. Tokom proteklih godina, predsjednik Srbije Tomislav Nikolić je uspostavio čvrste odnose sa Putinom dok je istovremeno pokušavao približiti Srbiju EU.

Nikolić je 2013. godine tokom posjete Putinovom ljetnikovcu u Sočiju potpisao Deklaraciju o strateškom partnerstvu između Beograda i Moskve. Nekoliko mjeseci kasnije, Srbija je potpisala sporazum o vojnoj saradnji sa Rusijom, da bi u oktobru 2014. godine, uprkos protivljenju Berlina, Srbija raspustila crveni tepih za Putina kojem je Nikolić tom prilikom dodijelio najvišu državnu nagradu.

Ovi primjeri su samo vrh ledenog brijega.

Ruske državne željeznice na čelu sa Vladimirom Jakuni-





nom, koji je na popisu pojedinaca kojima je zabranjen ulaz u bilo koju državu EU, produžavaju željezničku prugu u Srbiji za 350 kilometara. Ruski energetska giganta Gazprom ima većinski udio u Srbijagasu, a Lukoil, druga najveća ruska energetska kompanija je vlasnik 80 posto Beopetrola, srbijanskog lanca benzinskih pumpi.

Stoga nije ni čudo što Srbija nije pristala uvesti sankcije Rusiji.

Rusija se također umiješala i u susjednu Bosnu i Hercegovinu. Moskva je nepokolebljivi pristaša Republike Srpske i njenog predsjednika Milorada Dodika. Dodik već duže vrijeme usporava reforme u BiH, posebno u oblasti pravosuđa, mada ni ostali bosanski čelnici nisu s oduševljenjem prihvatili neophodne društvene, ekonomske i političke reforme.

Naime, najnoviji i izvrstan izvještaj Europske komisije o napretku Bosne i Hercegovine jasno ukazuje na to da državne institucije jedva funkcioniraju.

Ruska aneksija Krima u martu 2013. godine je ohrabrila Dodika da razmotri otcjepljenje Republike Srpske od BiH. Od te ideje ga je navodno odvratio premijer Srbije Aleksandar Vučić koji pokušava uspostaviti ravnotežu između odnosa Beograda i Rusije s jedne strane i približavanja EU sa druge.

Rusija nastoji zadržati svoj uticaj i u Crnoj Gori prije svega pomoću energetskog sektora i drugih velikih investicija. Ipak, Milo Đukanović, dugogodišnji premijer ove zemlje, je uprkos mnogim kritičarima i pritiscima Rusije uspio usmjeriti Crnu Goru ka EU i NATO-u. On je također otvoreno podržao sankcije koje je EU nametnula Rusiji.

Moskva se sve više fokusira na zapadni Balkan jer ne želi da ovaj region postane dio Zapada. Čak i u zemljama u široj regiji koje su članice EU, kao što je Bugarska, Moskva i dalje pokušava izvršiti svoj uticaj kroz pritisak na energetska sektor.

Rusija svojim uplitanjem želi potkopati stabilnost Zapadnog Balkana, posebno u vrlo nestabilnoj Bosni i Hercegovini, stoga bi EU trebala biti vrlo zabrinuta.

Razmislite malo o onome što se dogodilo 11. novembra u Ujedinjenim narodima u New Yorku. Rusija se suzdržala od glasanja o produženju vojne misije EU u BiH i to prvi put nakon što je EU tamo rasporedila svoje trupe 2004. godine. Diplomate kažu da se Rusija suprotstavila tekstu koji se odnosio na mogućnost da BiH pristupi Europskoj uniji.

Samo sedmicu dana prije tog zasjedanja britanski i njemački ministar vanjskih poslova su pokrenuli novu inicijativu za BiH s ciljem da vrata ovu državu na europsku putanju koja je u zastoju od 2009. godine zbog spora EU i bosanskohercegovačkog državnog vrha oko toga da su određene političke pozicije namijenjene isključivo Srbima, Hrvatima i Bošnjacima.

Međutim, ova anglo-njemačka inicijativa ne rješava ono što je Bosni i čitavoj regiji nužno potrebno, a to je nedvosmislena poruka Brisela da je Zapadni Balkan bitan i da države regiona imaju svoje mjesto unutar EU. Činjenica da je predsjednik Europske komisije Jean-Claude Juncker stavio Zapadni Balkan na dno svojih prioriteta ukazuje na kratkovidnu politiku EU koju je Rusija više nego voljna iskoristiti. Juncker ne može reći da ga Merkel nije upozorila na to.

Intervju: Prof. dr. Dževad Jahić

Bošnjaci često rade protiv sebe, ali Bosna neće nestati

Jedna od značajnijih stvari u historiji bosanskog jezika, od bosansko-turskog rječnika Muhameda Hevaija Uskufija iz 1631. godine, koji se smatra prvim južnoslavenskim rječnikom napisanim na štokavskom dijalektu, zasigurno je Rječnik bosanskog jezika prof. dr. Dževada Jahića, bh. pjesnika i lingviste, profesora na Filozofskom fakultetu u Sarajevu. Jahić je, između ostalog, bio predavač na Katedri slavenskih jezika Filološkog fakulteta Moskovskog državnog univerziteta.


Kako to obično kod nas biva, promocija 6. i 7. toma Rječnika bosanskog jezika profesora Jahića prošla je skoro neapaženo u široj javnosti. No, zato su brzo reagirali iz Zagreba, gdje se distributeri već raspituju o mogućnostima plasmana ovog kapitalnog djela. Profesor Jahić govori o bosanskom jeziku, njegovom osporavanju, napadima, o Bosni i Hercegovini i Bošnjacima.

Možda su najbolji odgovor Vas kao naučnika onima koji tako često negiraju historijsko utemeljenje bosanskog jezika tomovi Rječnika bosanskog jezika. Slažete li se?

- Negiranje bosanskog jezika nikada nije bilo naučna pojava već ideološko-politička stvar, i o tome ne želim govoriti. Rječnik je naučni poduhvat, jer se radi na njemu već 15 godina, a njegov glavni cilj je da to bude istovremeno rječnik standardnog bosanskog jezika i književnog bosanskog jezika. U sebi ima ogromnu građu i jednu blago naglašenu historijsku dimenziju. Građa koja u njemu jeste data ide od 15. stoljeća do danas. Dakle, od Derviš-paše Bajezidagića i alhamijado pjesnika, pa sve do Sidrana i današnjeg vremena. To je pet do šest stoljeća.

Koliko je važnost ovakvog djela prepoznata kod nas u BiH?

- Ovo ostvarenje, paradoksalno, najmanje se u nas u Bosni prepoznaje. A djelo se u nauci prepoznaje ako je leksikografski kompletno urađeno, a ja znam da jeste. Moj rad prepoznaje se u nauci, u slavističkom svijetu. U Zagrebu ljudi koji distribuiraju rječnike već reagiraju, traže, pitaju... To je jedan uspjeh u svijetu. Uložio sam ogroman trud da to bude urađeno po svim modernim leksikografskim propisima, jer sam čovjek koji je po svijetu taj zanat učio. Ja sam čovjek iz



Prof. Dr. Dževad Jahić

O B A V J E Š T E N J E

AMBASADA BOSNE I HERCEGOVINE WASHINGTON, DC

Obavještavamo sve građane Bosne i Hercegovine koji žive na prostoru Georgia, South i Nort Carolina, Florida i Alabama da će se u organizaciji Konzularnog odjela Ambasade BiH u Washingtonu, DC i Bosansko-Hercegovačke zajednice Georgia održati

KONZULARNI DANI-ATLANTA

tokom kojih će biti omogućeno podnošenje zahtjeva za izdavanje pasoša/putovnica BiH.

Datum: 12.13 i 14 decembar 2014.godine

Mjesto: 950 Grayson Hwy, Lawrenceville, GA 30045

(područje Atlante, GA)

Kontakt informacije:

- **Ambasada BiH Washington (202) 337-1500** (www.bhembassy.org) i
- **Avdo Čatić tel.(678) 575-9696**

Napomena:

Da bi ste ovom prilikom podnijeli zahtjev za izdavanje pasoša/putovnice trebate imati određen i evidentiran Jedninstveni matični broj (JMB) u centralnoj bazi civilnog registra BiH.

Napominjemo da se u centralnoj bazi nalaze JMB svih državljana BiH koji posjeduju važeću ličnu kartu, izdatu poslije 2003. godine po projektu CIPS, kao i oni koji su prethodno podnijeli zahtjev za evidenciju i od strane Ambasade BiH u Washingtonu dobili Uvjerjenje da je nadležni MUP odredio-evidentirao njihov JMB.

Svi građani koji ovom prilikom žele podnijeti zahtjev za pasoš trebaju do **8.decembra 2014. god.** u Ambasadu BiH dostaviti popunjen formular: Upitnik za pasoš (<http://www.bhembassy.org>) na sljedeći način:

- E.mail: consularaffairs@bhembassy.org
- Fax: (202) 337-2909, (202) 337-1502,
- ili putem pošte na adresu: 2109 E Street NW, Washington, DC 20037

nakon čega će od strane službenika Ambasade BiH Washington biti kontaktirani oko preostalih pojedinosti.

Podnošenje zahtjeva za izdavanje pasoša tokom održavanja Konzularnih dana će biti obavljeno prema unaprijed određenom rasporedu. Molimo da se pridržavate rasporeda čime ćete nam omogućiti veću efikasnost u radu.

Posebno skrećemo pažnju da se podnošenje zahtjeva za maloljetne osobe do 18 godina vrši u prisustvu oba roditelja i neophodno je da oba roditelja imaju evidentiran JMB centralnoj bazi civilnog registra BiH. Ukoliko dijete dolazi u pratnji samo jednog roditelja, potrebno je priložiti suglasnost drugog roditelja ovjerenu kod notara..

Više informacija o izdavanju pasoša/putovnica BiH možete naći na:

<http://www.bhembassy.org> ili kontaktirajte Avdo Čatić Georgia na gore navedeni broj telefona.

NAPOMENA

Da skratimo vrijeme, da ne gubite radne dane, da ne potrošite puno novca.

Svi koji žele raditi pasoš ovdje u Lawrenceville GA dužni su uplatiti iznos od \$30.00 što je najmanje moguće za troškove organizacije prostora, smještaja i ostalo neovisno o cijeni pasoša ambasade.

Uplata kontak: Avdo Čatić. Tel. 678 575-9696. Onaj ko ne uplati navedeni iznos neće moći ovdje u Lawrenceville raditi aplikaciju za novi BiH pasoš.

Imajte razumjevanje organizacije
S poštovanjem Avdo Čatić

književnosti i izmirujem jezik i književnost.

Zanimljivo, govorite o bosanskom jeziku kroz prizmu stoljeća, a taj jezik i njegov naziv i dalje osporavaju. Propituje se zašto se naziva bosanskim, a ne bošnjačkim, pa čak uz tu činjenicu veže i velikobošnjačka ideja, odnosno svojatanje BiH. Kako to komentirate?

- S naučnog aspekta to je laka tvrdnja, da se jezik treba zvati onako kako neko misli i to kako se misli van tog korpusa. To je naš balkanski specifikum i to nigdje na svijetu nema. To je odraz historijsko-društvenih patologija koje nosimo u savremenosti iz prošlosti. Pitam se da li je neko bosansku kuhinju ili bosanskog kuhara nazvao bošnjačkim!? Tako je i s bosanskim jezikom. Jedna kultura samu sebe naziva po sebi. Ako je "ban bosanski", ako taj ban kaže: "Ja ban bosanski Kulin prisezaju tebe kneže Krvašu", kako piše u Kulinovoj pove-lji, zar treba nešto dodati?

Akademik Filipović kazao je da svaki narod sebe legitimira jezikom. Koliko ste o tome vodili računa radeći težak posao pravljenja Rječnika bosanskog jezika?

- U nauci je poznato da ne postoji nijedan fenomen svijesti, civilizacije društva, čovjeka kroz koji se bolje oslikava prošlost i sadašnjost naroda i države, prostora, nego što je to jezik. To je u filozofiji poznata stvar, kao i u filologiji i lingvistici. Kod nas malo škripi, jer smo presječeni raznim poluznanjima, predrasudama i ideološkim nabojima. U svakom slučaju, ono što ja radim jeste itekako potvrda bogatstva ovog jezika. Ne samo u govoru, dijalektu, nego u književnosti i nauci. U ovom rječniku imamo 300 književnih izvora i oko 300 naučnih i publicističkih djela, među kojima su i primjeri iz

djela akademika Filipovića.

Država kao ideja

Kako kao intelektualac vidite poziciju BiH, pa i Bošnjaka? Ima se utisak da intelektualci prečesto šute o stanju u kojem živimo.

- Zabrinutost postoji u jednom umjerenom vidu. Ubijeđen sam, međutim, da država BiH nikako i nikad, zbog historijske dubine i tradicije, ne može nestati. Ona može biti dovedena u pitanje na ovaj ili onaj način, nesretnim okolnostima, svjetskim i evropskim okolnostima, nekompetentnim ljudima... Nadam se da će doći politička snaga koja će moći da objedini sve ove naše rascjepkanosti. Predsjedništvo s tri glave također je velika nesreća, jer nema zemlje na svijetu koja može tako funkcionirati. Da ne govorimo o postdejtonskoj RS, neusuglašenostima, nesrećama našim... Dakle, zabrinutost postoji. Ali, u mom slučaju narod nije prva ideja. Meni je država BiH prva ideja.

Ali, primijetili ste da se Bošnjaci često vežu uz istrošene političke snage, istrošene ideje, da ne vide ideje budućnosti, da Bošnjaku treba vremena da prepozna nove ideje?

- Glavne kočnice u nama su samima, u tom narodu. Ot-kud, kako su nastale, u kojim slojevima se javljaju, kako se ispoljavaju, to je duga priča. Naš obični čovjek jeste na skromnom nivou svijesti o samom sebi. U svom načinu razmišljanja naš čovjek često ide protiv sebe. Mi koji zadiremo u prošlost, svjesni smo da je to rezultat historije. Problem je najveći što se historija ne može vratiti na početnu poziciju. Iz historije se samo pouke izvlače, koliko je moguće. No, mi smo oni koji vrlo malo tih pouka izvučemo. Stvari su kakve jesu.





Am Dent, Inc.



Dental Care for Entire Family

Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partials
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted

Medicaid (uder 21) Peachcare

Major Credit Cards

NOW OFFERING! Ortho (Braces) Special - FREE Ortho Consultation

New Patient Special (Exam, X-Rays, Cleaning) - ONLY \$75

0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Olde Salem Apartments

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies

CALL FOR SPECIAL OFFERS*



NO APPLICATION FEE!**

Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.

*Prices & Specials Subject to Change. **With Approved Credit.

Emotivno, one su teške, tugaljive, turobne, ali, eto, ne smijemo zaboraviti da se, pored sve te turobnosti i tugaljivosti, ipak pojavljuju znaci, neki promplasaji da se u toj svijesti našeg naroda nešto nabolje dešava, jer se mora nabolje dešavati. To su procesi zakonomjernosti.

Negiranje bosanskog jezika je smiješno

- Jezik je sebe kroz prošlost nazvao bosanskim... U tom nazivu bosanski jezik, nasreću, a u ideološko-političkom smislu, nažalost, on nosi tobožnju aspiraciju na Bosnu. Pa, naravno da je aspiracija na Bosnu jer taj jezik nigdje nije nastajao nego ovdje, i naravno da je bosanski jezik! A to što su matice

u Zagrebu i Beogradu radile svoje, ne znači da su one time negirale ovaj prostor. Naravno, historijski gledano, negiranje bosanskog jezika je smiješno.

Planirano 12 tomova Rječnika

- Do sada je na Rječniku bosanskog jezika urađeno 60 posto posla, odnosno sedam tomova od ukupno planiranih 12. Bilo je planirano 10 tomova, ali zbog koncepcije i građe, navođenja primjera, vidimo da ne možemo sve smjesti u 12 tomova, a moguće je da se smjesti u 14 tomova.

Autor: Faruk Vele



**Dodite i kupite sve na jednom mjestu
UŠTEDITE I VRIJEME I NOVAC!**



**926 Montreal Road, Clarkston, GA
404-296-6493**

**THRIFTOWN
Clarkston Village**

bosansko-hercegovački magazin

EUROPPA

January

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

February

Su	Mo	Tu	We	Th	Fr	Sa
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28

March

Su
1
8
15
22
29

May

Su	Mo	Tu	We	Th	Fr	Sa
31					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

June

Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

July

Su
5
12
19
26

September

Su	Mo	Tu	We	Th	Fr	Sa
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

October

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

November

Su
1
8
15
22
29

Europa Magazine

P.O. Box 867

Lawrenceville, GA 30046



1-877-747-6097

Phone: +1 (678) 743 5731

E-mail: editor@europamagazine.info

Web: www.europamagazine.info

ch

Mo	Tu	We	Th	Fr	Sa
2	3	4	5	6	7
9	10	11	12	13	14
16	17	18	19	20	21
23	24	25	26	27	28
30	31				

April

Su	Mo	Tu	We	Th	Fr	Sa
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

Mo	Tu	We	Th	Fr	Sa
		1	2	3	4
6	7	8	9	10	11
13	14	15	16	17	18
20	21	22	23	24	25
27	28	29	30	31	

August

Su	Mo	Tu	We	Th	Fr	Sa
30	31					1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29

ember

Mo	Tu	We	Th	Fr	Sa
2	3	4	5	6	7
9	10	11	12	13	14
16	17	18	19	20	21
23	24	25	26	27	28
30					

December

Su	Mo	Tu	We	Th	Fr	Sa
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

2
0
1
5



europamagazine.info

UZDUŽ I POPRIJEKO KROZ BIH: Kalesija

Zanima nas zašto je Kalesija u prošlom sistemu bila *Ujedna od najzaostalijih opština, kad svuda naokolo ima i vode i zemlje, i rude i stoke, i puteva i šume. Krivica za to pripisuje se osvetoljubivosti partizana.*

U Kalesiju krećemo iz Tuzle, kroz jesenje sivilo, jutro nakon promocije romana Almira Alića "Volim crtati velika crvena srca".

(Na promociji je Ružica između ostalog govorila o listama čekanja njenih đaka zainteresovanih da pročitaju jedan od tri primjerka knjige nedavno promovisane u Užicu, a ja sam pročitao ovo:

"U vezi s ovim romanom potrebno je u što kraćem vremenu sazvati aktive nastavnika bosanskog, hrvatskog i srpskog jezika, sa samo jednom tačkom dnevnog reda: potpisavanje peticije kojom bi se zabranilo njegovo čitanje u školama u Bosni i Hercegovine.

Razloga za zabranu ima više, među kojima su najvažniji sljedeći:

Djeca bi, čitajući ovu knjigu u lektiri, mogla pomisliti da književnost ima veze sa stvarnošću u kojoj žive.

To bi destabiliziralo nastavu književnosti, jer bi onda nastavnici, umjesto da se bave šemom rime abab i statičkim i dinamičkim motivima u fabuli, morali govoriti i o drugim stvarima. Naprimjer:

- o nepravdi u ocjenjivanju
- o strategijama nasilja kojim brane svoj nastavnički autoritet
- o razlozima zbog kojih im je taj autoritet uopšte potreban
- o svrsi čitanja lijepo književnosti u moralno zapuštenim sredinama
- o radnom učinku pedagoga i psihologa, izvan služenja školskoj administraciji
- o brakovima kao razbijenim saksijama
- o uzrocima siromaštva i sve većim klasnim razlikama



među učenicima

- o korupciji
- o budućnosti, koja prijeti razočaranjima i poniženjima
- o ratu koji neprekidno traje, već dvije decenije nakon svog svršetka

O književnosti, ukratko.”)

Muzički fenomen “Kalesijski zvuci”

U Kalesiji, ka kojoj Čokoljub grabi sigurnim obrtajima, znamo malo. Almir, u ulozi domaćina i vodiča, oprema nas osnovnim podacima: gradić je poprilično mlada pojava na reljefu tuzlanskog podrinja. Nikao je odlukom komunističkih vlasti, nakon Drugog svjetskog rata, iz razloga koji su izgubili jasnoću u proteklih šest, sedam decenija. Zato je pomalo čudno što na grbu Opštine stoji godina 1151, za koju se bez valjanog razloga veže rađanje mjesta. Grb je kreiran nakon zadnjeg rata, vjerovatno rukom i pameću nekog nadahnutog lokal-patriotskog amatera istoričara i kao takav jedan je od primjera masovnog silovanja logike i činjenica, u sjeni zatvorenog Zemaljskog muzeja i uz ćutanje akademske zajednice. Iako će čak i navijački raspoložena bs.wikipedija priznati da je u doba socijalizma učinjeno dosta dobrih stvari, na grbu nema simbola koji bi upućivao na taj period. Osim ako se šargija (desno, sablja lijevo) ne poveže s kalesijskim zvucima, muzičkim fenomenom koji je sedamdesetih godina učinio ovaj nerazvijeni kraj jugoslavenskim središtem izvorne muzike.

Ta izvornost, na koju će nas kasnije upozoriti naši sagovornici, dobila je potvrdu i u nekoj međunarodnoj klasifikaciji, u kojoj, s ponosom se naglašava, nema sevdalinke, ali ima šargije i violine, i kondenzata narodne mudrosti, poput ovih, u

izboru Dragoslava Dedovića:

Mala lezi, tuku mitraljezi
ja ću na te, ne boj se granate. Ili:
Tuzla, Zvornik, Kalesija blizu
Kada pjevam zaboravim krizu. Ili:
Imam šupu i na šupi rupa
Komšinicu gledam kad se kupa.

Ali naš dolazak ovdje nije imao za cilj da bude još jedan u nizu urbano-arogantnih priloga kritici seoskog stvaralaštva. Zanima nas kako ljudi žive u mjestima s jednim semaforom, daleko izvan žiže medijske pažnje, na nevidljivim entitetskim granicama, tamo gdje je rat ostavio najdublje ožiljke, u zemlji koja će uskoro na plavoj mapi Evrope ličiti na rupu usred plavetnila, prkosna kao trokut izrezan usred daščanog poda poljskog nužnika. Smijući se Almirovom vicu na račun nepostojećanog o u ovdašnjem dijalektu (Neki istraživač pita da li je nakon rata broj fobija u porastu, a ispitanik mu odgovara: jeste, ali porastao je i broj oktovija.), parkiramo u samom centru, na blatnjavom placu između jedne dvospratnice i neke kafane i/ili kladionice (sve ih je teže razlikovati). Skoro svaka zgrada u vidokrugu šamar je arhitektonskim fakultetima, a sve skupa potvrda da smo stigli u mjesto gdje se pojam urbanizma sveo na privatizaciju i devastaciju javnog prostora. Kao da je neki sladoledžija krećio fasade iskidane formama koje kidišu jedne na druge. U nekoj ozbiljnoj i stručnoj analizi možda bi bilo moguće pokazati uticaj meksičkih, španskih i turskih sapunica na poslijeratni razvoj arhitekture u Bosni i Hercegovini.

Od žena samo Ružica

Putnik namjernik očekivao bi u tako veselom okruženju,





u kasno subotnje prijepodne, gužvu na ulicama, žamor i smijeh. Međutim, ne. Centar je depresivno praznikav. Nema mladih, ne drma muzika iz kafića, nema pijačnih korpi ni beba u kolicima s majkama koje love malo svježeg zraka između dvije kiše. Ako neko i prođe, to je muškarac fokusiran na tiket. U kafani u kojoj razgovaramo s našim domaćinima svi su gosti muškarci, osim Ružice koju konobar nepogrešivo uslužuje posljednju. Na pitanje je li to neki nepisani zakon, da nema žena u kafanama ili smo mi slučajno ušli u neki muški klub, dobijamo odgovor da je vrijeme kuhanja subotnjih ručkova i da su žene zabavljene kućom. (Kasnije, u šetnji, vidjećemo da su žene zabavljene i okućnicom, tj. cijepanjem drva. Zato će ih jedva jedna petina biti u Parlamentu Federacije.) Domaćini, koje su nam prijatelji preporučili za sagovornike, strpljivo slušaju naša nepripremljena pitanja, navodeći razgovor na zavičajne brendove, među kojima se ističe Miralem Pjanić. Na krilima njegovog uspjeha ovdje se cijene škole fudbala. Dječaci (dok djevojčice valjda treniraju s kuhačama i sjekirama) maštaju o trenutku kada će im roditelji saopštiti da su postali izvozna roba.

Zanima nas zašto je Kalesija u prošlom sistemu bila jedna od najzaostalijih opština, kad svuda naokolo ima i vode i zemlje, i rude i stoke, i puteva i šume. Krivica za to pripisuje se osveto-ljubivosti partizana, koji su zanemarivanjem kažnjavali ustaški kraj. Iznenađuje nas trpeljivost kojom se gubitnici u ratu protiv fašizma opravdavaju; biva, ljudi su se samo ponašali domaćinski, oblačili su crne uniforme da bi ostali uz svoje porodice i sačuvali imanja. Primjećujemo da na vlast iste argumente imaju i advokati četničkog pokreta. I zaključujemo da će ovdje svoju ulicu prije dobiti Dobrica Ćosić nego Hana Arent. I sigurno prije nego se pred biblioteku vrati partizanski spomenik, kome se

izgubio svaki trag. Iako, oprezno birajući riječi, oba naša sagovornika nisu zadovoljna koncentracijom moći u načelnikovim rukama. A nama naše postdejtonsko iskustvo govori da tamo gdje se jedan pita obično niko ne odgovara. Cijela je država ustrojena na patrijarhalnim i plemenskim zakonima, pored kojih su i Strazbur i Hag suvišni i smiješni, kao čačkalica s maslinom u šljivovici. Ta bi se državna struktura mogla predstaviti nalik piramidi od karata, u kojoj svaka trougaona ćelija predstavlja jedno malo jednosemaforno mjesto. Čini se lakim srušiti je, jednim puhanjem iz pluća inhaliranih deklaracijom o univerzalnim ljudskim pravima, ali vazduh oko nje ostaje nepokretan, kao u nekoj čahuri nevidljivih stijenki. Taj vazduh je ustajao, kao u zemunici na frontu, zagušljiv od znoja, gust od prdeža, masan i topao od svjetla uljanica, ali neprobojan za kuršume, nedokučiv geletima, siguran kao majčino krilo.

Kritka lokalnih šerifa je čorava rabota

Rat je već dvadeset godina kapital kojim se kupuju glasovi. Istorija se savija dok je mlada. I ovdje, kao na mnogim sličnim bosanskohercegovačkim trgovima, ispred zgrade opštine je cijeli zid od spomen-ploča ispisan imenima poginulih boraca, poput simboličnog grudobrana iza kojeg strančarenje posvađano s pojmovima poput pravičnosti, odgovornosti i transparentnosti vodi svoje sitne biznise.

Otrilike je svaki treći radno sposoban stanovnik Kalesije nezaposlen. Grad jednako kao i prije rata dokupljuje mjesečnu fasungu novcem iz dijaspore. Stanovništvo, za trećinu uvećano prilivom protjeranih Bošnjaka s teritorija koje su po Dejtonu pripale Srbima, preraslo je kapacitete gradskog vodovoda. Fasade, čak i u centru, još su pune ožiljaka

BONUS TRANSPORTATION, LLC



Zapošljavamo owner operatore !


- Commision 10%
- Sedmična isplata
- 24/7 dispečer na raspolaganju
- Saradjujemo sa svim brokerima na prostorima Sjeverne Amerike
- Nudimo fuel cards, trailere, kvalitetan profesionalni dispatch



616 322 5818
616 719 6064
bonustransllc@yahoo.com

PRODAJETE ILI KUPUJETE KUĆU?
Vi imate pitanja - ja imam odgovore

- * Sa Vama od početka do kraja, u svim fazama kod prodaje ili kupovine kuće
- * Ostvarenje i zaštita Vaših interesa je moj prioritet
- * Idealno vrijeme za kupovinu kuće - vrlo niske cijene uz povoljne kamate
- * Foreclosure * HUD homes * Prvi put kupci dobijaju Home Depot gift card
- * Besplatne usluge notara i prevođenja potrebnih dokumenata



metrobrokers.com **GMAC Real Estate**

DINO KRGO
REALTOR

678-429-4353
dkrgo@bellsouth.net



starih dvije decenije. Ako ne lože, stanari se griju na skupu struju. Ali svejedno su zadovoljni utržkom svojih glasova i ne žele drugačiju vlast. Zato je svaka kritika lokalnih šerifa ćorava rabota. Građani načelnike biraju na svoju sliku i priliku.

U biblioteci, koja subotom ne radi, ali je za nas otvorena, slušamo o tezi poznatog sarajevskog historičara da je Ajvaz-dedo posjetio ove krajeve i o planovima da se obnovi neko dovište na kome je on svojevremeno molio za kišu. Nije jasno čija će to investicija biti, ako do obnove uopšte dođe, ali zdrav razum teško se miri s tom listom prioriteta u kojoj bogomolje i svetišta stoje više i izgledaju bolje od domova zdravlja i gradskih biblioteka. U Kalesiji će on zastati i u dvorištu škole, kad kroz prozor pročita na zidu u hodniku parolu: Mašta je važnija od znanja.

Zaista se nije u manje riječi mogao bolje poentirati doprinos obrazovanja nacionalizmu. Taj kerber na izlazu iz Bosne u Evropu istinit je samo u mašti koja ne mari za činjenice i koja se užasava logike. Nakon što ti škola razvije maštu (na račun znanja) stvarnost ti više ne može ništa. Koračaš kroz nju mirno i nadmoćno, kao čitalac kroz epsku pjesmu.

U Kalesiju "Putem spasa"

Jedan od naših domaćina nudi se da nam pokaže najbližu od mnogobrojnih nekropola stećaka kojima je Kalesija okružena i mi s rado(znalo)šću prihvatamo. Usput nam skreće pažnju na nekoliko industrijskih postrojenja, koja zapošljavaju više stotina ljudi. Da nema rupa na putu i smeća pored puta i stubova dima od zapaljenih guma s druge strane, na trenutak bismo mogli pomisliti da smo u Sloveniji ili u Austriji. Prijatno nas iznenadi i pažnja s kojom je uređena nekropola Sječa. Desetak u zeleni pliš mahovine obučenih kamenova nagurava se s hrastovim šumar-

kom, zabezknuti drskošću te omladine da ih škakilja svojim korijenjem po trbusima i ometa u vijekovnom mudrovanju. Ostalih dvadesetak polako, ali sigurno tonu u travu. Zemlja je u cijelom ovom kraju mekana i svako malo komadi se odvaljuju i klize niz padine. Putem smo vidjeli bezbroj bora koje se polako šire u pokotine i blage kosine pašnjaka pretvaraju u kaskade džinovskih krtičnjaka. Nisu rijetke žute trake na putu, iza kojih zjape polumjeseci pihlijastog asfalta.

U Kalesiju se vraćamo tzv. Putem spasa, kroz Jajiće, čija je internetski osviještena omladina ozvučila selo bežičnim internetom. Almir, humoristički raspoložen, još pod uticajem izgriženih pejzaža, insistira da bude kum ovom tesktu i putopisu da naslov Dovišta i klizišta.

Odozgo, s uske ceste koja se krivudajući spušta u dolinu Spreče, puca vidik na pitome talase plodnog kraja. Ne vide se s ove visine ni tanka granica entiteta, ni spaljene kuće koje se kao krnjatci polomljenih zuba keze iz podivljalih voćnjaka, nema pod poklopcem niskih oblaka ničeg; osim čuđenja da ljudima može tolika ljepota biti malo i da se u svakoj generaciji moraju poklati oko nje.

Našeg vodiča ostavljamo u centru, a mi krećemo nazad prema Tuzli.

- Jeste li primijetili da smo uhvatili zeleni val, kaže Almir, kad bez zaustavljanja prođemo jedini semafor u gradu.

(Čokoljublja, serijal putopisnih reportaža o bosanskohercegovačkim gradovima iz perspektive koju Google-map još nije tehnološki osvojio, sve na točkovima vremesnog Forda Escorta čokoladne boje. Osmo pjevanje s knedlom u grlu.)

Autor: Nenad Veličković

“Sarajevska princeza” u Beogradu: Priča o ljudima i licemerima u opkoljenom gradu

Knjiga „Sarajevska princeza“ (Šahinpašić, 2014), Ediba Ede Jaganjca, hirurga koji je tokom rata u opkoljenom Sarajevu spasavao živote svojih sugrađana, predstavljena je na Beogradskom sajmu knjiga. Kroz istinitu priču o petogodišnjoj djevojčici Irmi Hadžimuratović koja je, teško ranjena, morala hitno da bude prebačena u inostranstvo na liječenje, autor govori o požrtvovanju lekara koji se bore za dječiji život, ali i o tromoj i nezainteresovanoj međunarodnoj zajednici.

Tokom tri i po godine, koliko su srpske jedinice držale Sarajevo pod opsadom, razaranja nisu bile pošteđene ni zdravstvene ustanove. Edo Jaganjac u to vrijeme je radio kao hirurg u tadašnjoj Vojnoj bolnici. O uslovima pod kojim su on i njegove kolege radili dok su na grad padale granate, Jaganjac kaže:

“Mislim da niko ne može da predstavi kako je to raditi u bolnici u kojoj nema struje, vode... Vode. Struja, hajde, ali voda, lijekovi i tako dalje. To su uslovi u kojima se stalno nekako snalazite.”

U bolnicu u kojoj vladaju takvi uslovi, krajem jula '93. dovezena je Irma Hadžimuratović. Petogodišnju djevojčicu je tokom granatiranja Alipašino polja ranio geler. Isti taj geler prethodno je prostrijelio njenu majku i ubio je. Svoj prvi susret sa Irmom, Edo Jaganjac je ovako opisao u knjizi “Sarajevska princeza”, iz koje je odlomak na promociji pročitao glumac Svetozar Cvetković:

“Na kolicima uz vrata leži malena djevojčica. Leži mirno, bistrim očima gleda oko sebe. Vidim da pod njom nema krvi. Ona uhvati moj pogled i usta joj se raširiše u osmeh. Gledam je zabezeknuto. Leži golo djetence na nosilima, onako mala, sva se izgubila u nosilima, i smješka se.”

Zbog težine povreda i očajnih uslova u sarajevskoj bolnici, Irma je hitno morala da bude prebačena u London. No, između Irme i njenog liječenja ispriječila se glomazna birokratija Ujedinjenih nacija. Osam dana, Jaganjac pokušava na sve načine da izvuče djevojčicu iz ratnog obruča. Čak su se i strani mediji zainteresovali za čitav slučaj, ali stvari su išle sporo.

“Jer, ona je prvih dana kada sam ja njih zvao izgledala zdrava, ona je laiku izgledala zdrava. Zbog toga oni nisu vjerovali. Čak i novinar koji je napisao reportažu ju je vidio dan ranije i nije je objavio, jer je Irma s njim pričala, veselila se i njemu je izgledalo kao da neko hoće da ga prevari”, rekao je Edo Jaganjac predstavljajući “Sarajevsku princezu” na Beogradskom sajmu knjiga.

Irma je na koncu otputovala u London, za njen dolazak založio se i tadašnji premijer Velike Britanije Džon Mejdzor, ali je, čini se, bilo prekasno. Irma je preminula poslije godinu i po dana.

Pisac Muharem Bazdulj rekao je na beogradskoj promociji knjige da je “Sarajevska princeza” i sada, dvije decenije nakon rata u BiH, aktuelna. Irme, poput junakinje Jaganjčeve knjige, danas su, dodaje on, u Kobaneu, Alepu i mnogim drugim mjestima.

“U tom smislu to je jedna od najmoćnijih i najpotentnijih kritika Ujedinjenih nacija koju sam ja pročitao. A, da se razumijemo, pročitao sam ih mnogo. Ali, u ovoj knjizi, kad vidite na tom konkretnom primjeru način na koji ne postoji nikakvo elementarno suosjećanje. Taj portparol UN, kad se to prebacivanje djeteta u Englesku napokon desi, on to doživljava kao poraz institucije”, kaže Bazdulj.

Iako Edo Jaganjac nije profesionalni pisac, zadivljujuće je njegovo vladanje naracijom, istakao je čuveni hrvatski

reditelj Lordan Zafranović.

“Tu sam knjigu pročitao, što se kaže, preko noći, jer je bila strahovito emocionalna; tjerala me je iz stranice u stranicu da vidim do koje mjere se taj čovjek bori za život, a do koje mjere ti takozvani heroji sa svih tih strana, od svojih političkih elita dobijaju medalje za ubijanja i razaranja. S druge strane, kao filmaš sam osjetio mogućnost da se napravi jedan zaista uzbudljivi film, jer filmovi koje sam do tada vidio – engleski, američki, španjolski – jednostavno nisu doslegli niti jednu stranicu iz knjige Ede Jaganjca. Nisu bili iskreni”, smatra poznati reditelj.

Edo Jaganjac danas živi i radi u Pragu. “Sarajevsku princezu” napisao je još '94, ali je cijelih dvadeset godina čekao na njeno objavljivanje. Dugo se, kaže, premišljao da li da to učini. Ipak, danas mu je stalo da što više ljudi pročita ovu priču:

“Meni je baš stalo da ljudi u Srbiji to čitaju. Znaite, neki ovdje kažu: ‘to je priča s druge strane barikade.’ Nije istina. Mi smo na istoj strani barikade. Ali, u našim narodima, svakom, postoje zli ljudi koji su doveli do ovoga, da Irma pogine. Vjerujem da će onaj koji to pročita da shvati o čemu govorim”, kaže Jaganjac.

Tokom granatiranja Sarajeva koje je trajalo 1 425 dana, i smatra se najdužom opsadom u modernoj evropskoj istoriji, ubijeno je više od 11 500 ljudi. Među njima je bilo 643 djece, a sumnja se da je taj broj višestruko veći. Nakon Irmine smrti, mnoga ranjena djeca su dobila priliku da budu evakuisana iz Sarajeva.



Edib Edo Jaganjac

OBAMA CARE

Informacije o Zdravstvenom osiguranju za neosigurane osobe u USA / Obama Care /

NAPOMENA: Ovo nije zvanična obavijest, ovo je samo neobavezani skraćeni pregled informacija.

The affordable Care Act (Obama Care) je izglasan da pomogne da Zdravstveno osiguranje postane dostupno, povoljno i kompletno za Vas i vašu porodicu. (Ako nemate osiguranje kroz vaš posao ili ste privatnik).

Health Insurance Marketplace (Zdravstvena tržnica) je državna agencija koja pomaže da neosigurani ljudi sa limitiranim prihodom nađu zdravstveno osiguranje.

Zdravstvena tržnica će vam reći da li ste kvalifikovani za nižu cijenu osiguranja na osnovu broja članova domaćinstva i prihoda. Kao osnova za obračun vašeg prihoda se koristi vaš modified adjusted gross income (MAGI). Ovo je obično zadnja cifra na vašim taksama.

Ovo je Tabela da provjerite da li ste kvalifikovani za umanjene premije (državne popuste) za zdravstveno osiguranje. Vi se možete kvalifikovati za umanjene premije preko Marketplace ako je vaš:

Broj članova porodice:	1	2	3	4
Godišnji prihod između	\$11,490 \$45,960	\$15,510 \$62,040	\$19,539 \$78,120	\$23,550 \$94,200

Morate biti u ovom rasponu da bi ste dobili popuste. Djeca do 19 godina mogu aplicirati za Medicaid ili Peachcare u određenim situacijama.

Muž i žena moraju raditi takse zajedno da bi porodica imala pravo na popuste.

Ovi planovi pokrivaju: osnovne zdravstvene beneficije, već postojeći problem i preventivnu zaštitu.

- Upisni period za 2015. godinu je od Novembra 15, 2014 do Februara 15, 2015, ako propustite da uzmete zdravstveno osiguranje u ovom periodu onda ćete morati čekati do 2016. godine.

Počev od 2014 godine od većine Amerikanaca se zahtjeva da imaju zdravstveno osiguranje ili da plate kaznu.

Kazna u 2015. godini je 2% od prihoda ili \$325 po osobi (\$162.50 za djecu), maksimalno \$975 za porodicu.

Određeni ljudi sa ograničenim (malim) prihodima ili propisanim otežavajućim situacijama mogu biti izuzeti od plaćanja ove kazne. Iduće godine kazna će biti \$695 po osobi.

Imaju četiri načina da se aplicira za ovo zdravstveno pokrivanje-osiguranje: internet www.HealthCare.gov; telefonom 1-800-318-2596, poštom i direktnim lokalnim kontaktom.

Ko može biti pokriven po ovom planu? Otac, majka i djeca do 19., a u određenim situacijama i djeca do 26. godine.

Zašto trebamo zdravstveno osiguranje? Niko ne planira da se povrijedi ili da bude bolestan, ali većina ljudi će kad tad trebati medicinsku pomoć. Zdravstveno osiguranje pokriva ove medicinske troškove i štiti vas od vrlo visokih troškova koje bi Vi inače platili iz svog džepa.

Za više informacija i pomoć u ovom procesu nazovite na tel. 678-429-4353 ili pošaljite e-mal: dkrgo@bellsouth.net

Dino Krgo



Postoje li nezagađena područja na Zemlji?

Itako sama priroda ponekad proizvodi štetne zagađivače kao što su dim i pepeo ili vulkanska prašina, za većinu zagađenja s kojima se naša planeta danas bori su uglavnom odgovorni ljudi.

Gdje god da krenemo, pa čak i na najudaljenija mjesta na planeti, ostavljamo za sobom smeće. Plastične boce lete pustinjom Gobi, kese plivaju Tihim oceanom, a potrošene boce sa kisikom leže na vrhu Mount Everesta.

Postoji li ijedno mjesto na planeti Zemlji koje nije obilježeno našim nemarom?

Odgovor na to pitanje ćemo dobiti samo ako podijelimo naše okruženje u četiri kategorije: zrak, zemljište, slatke vode i ocean.

Zrak i zemljište

Onečišćenja zraka se javljaju u različitim oblicima. Smog je najčešće sastavljen od pojedinačnih čestica i ozona, stakleničkog plina koji se stvara kada azotni oksidi i organski spojevi koje proizvode automobili i industrijska postrojenja reaguju zajedno u prisustvu sunčeve svjetlosti.

Njihov uticaj na okoliš i zdravlje može biti razoran. Samo u Indiji, zagađenje ozona uzrokuje gubitke usjeva u iznosu od 1,2 milijardi dolara godišnje.

Vanjsko zagađenje zraka odnese preko milijun života go-

dišnje, dok onečišćenje zraka u kućama - koje je najčešće nusprodukt požara prilikom kuhanja - usmrtno oko dva milijuna ljudi godišnje.

Onečišćen zrak se prenosi vjetrovima i atmosferskim strujama.

“Često smo svjedoci da zagađenje počne na jednom mjestu, a završi na drugom, vrlo udaljenom”, kaže David Edwards, direktor Nacionalnog centra za atmosferska istraživanja u Boulderu, Colorado.

Malezija je, naprimjer, nedavno raskrčila velike površine prekrivene šumama kako bi napravila prostor za nove plantaže palminog ulja, ali Singapur je taj koji se bori sa posljedicama zagađenja. Zagađenja mogu putovati i dalje.

Požari koji se koriste za uzgoj i poljoprivredu u Južnoj Americi i Južnoj Africi su glavni izvor onečišćenja zraka na cijeloj južnoj hemisferi.

Dakle, na temelju onoga što znamo o atmosferskim strujama i širenju onečišćenja, sa sigurnošću možemo reći da nema mjesta na Planeti koje bi bilo potpuno oslobođeno od onečišćenja zraka. Isto vrijedi i za zemljišne površine.

Međutim, postoje mjesta na kojima je zrak čišći od uobičajenog. Zrak je čišći na južnoj nego na sjevernoj hemisferi iz razloga što tamo živi manje ljudi. Iako onečišćenja nesmetano putuju, vjetrovi onemogućuju miješanje između hemisfera.

Južni pol, vjerojatno ima najčišći zrak na Zemlji zbog svoje udaljenosti. Duboke pećine sa malom cirkulacijom zraka, također, imaju relativno čist zrak.

“Mogu zamisliti da postoje duboke pećine u kojima se zrak nije izmiješao sa vanjskim već duže vremena”, kaže Helen ApSimon, profesorica na Imperial Collegeu u Londonu.

Voda

Onečišćenje zraka na žalost, također, utiče na vodu, a time i ubija svaku nadu da postoje savršeno čista slatkovodna područja na planeti.

“Ako razmotrimo onečišćenja u širem smislu, onda je malo vjerojatno da postoje netaknuta područja koja nisu zagađena, jer su se antropogeni uticaji poput zagađenja zraka proširili po cijelom svijetu”, ističe Thomas Chiramba, šef Odjela slatkovodnih ekosistema u programu za okoliš pri Ujedinjenim narodima sa sjedištem u Nairobiju, Kenija.

Zagađivači zemljišta su ujedno i najveći zagađivači slatkih voda. Hemikalije, gnojiva i otpadi cure u podzemne vode, jezera, potoke i rijeke i



često završavaju u okeanu. Rezultat su tzv. mrtve zone - vode lišene života koje se nalaze u cijelom svijetu kao, naprimjer, u Meksičkom zaljevu i delti rijeke Mississippi.

Neobrađena voda i industrijski otpad su primarni krivci za opustošene slatke vode. Prema nekim procjenama, 80% otpadnih voda koje nastaju u zemljama u razvoju se ispušta direktno u lokalne vode.

New Delhi izbacuje 99% svojih otpadnih voda u rijeku Yamuna, dok Mexico City ispumpava svoje otpadne tekućine u dolinu Mezquital.

“To je glavni izvor zagađenja u cijelom svijetu”, tvrdi Asit Biswas, osnivač Trećeg svjetskog centra za vodni menadžment u Meksiku i ugledni gostujući profesor na Lee Kuan Yew Univerzitetu za javnu politiku u Singapuru.

“Kao rezultat toga, rijeke su onečišćene, a ljudi koji žive nizvodno su prisiljeni piti tu vodu”, dodaje on.

Prema Biswasovim istraživanjima, 1.65 milijardi stanovnika Južne Azije nema pristup čistoj, pitkoj vodi iz slavine, a više od polovice kineskih rijeka i jezera su isuviše zagađeni da bi bili pogodni za piće.

Analizom 72% uzoraka prikupljenih iz Pakistanskog vodovodnog sistema je utvrđeno da je tamošnja voda, također, neprikladna za prehranu ljudi. Ono što je loše za ljude je loše i za okoliš.

Prema izvještaju koji je nedavno objavio World Wildlife Fond, postotak životinjske populacije koja živi u slatkim vo-

mjeri neistraženi i zauzimaju nevjerojatnih 70% zemljine površine. Danas se procjenjuje da od 60 do 80% onečišćenja mora dolazi sa kopna, iz luka, prljavih plaža i zagađenih vodenih puteva koji se ulijevaju u more.

Od svih tih zagađenja, plastika je najopasnija zato što su potrebne stotine godina da bi se ona razgradila. Papir se brzo razgrađuje, a staklo se ne nalazi toliko često kao nekada.

Začudujuće je da su neka od najudaljenijih mjesta u okeanu ujedno i najzagađenija, zahvaljujući strujama, kao što je recimo slučaj sa otočićem Atol Midway koji se nalazi u sred sjevernog Pacifika i koji je potpuno nenaseljen i prekriven otpadom koji često pronalazi svoj put ka probavnom sistemu morskih ptica koje tamo žive.

Ni okeanske dubine nisu pošteđene. Tamo se najčešće nalaze limenke i boce, užad, metalni predmeti, vojna municija pa čak i stare cipele. Osim toga možemo vidjeti i tzv. mikroplastiku - boce i vrećice koje su se raspale u manje čestice.

Ti maleni komadi plastike su zatrpali okean i “vjerojatno ih je nemoguće očistiti”, kaže Jenni Brandon, apsolvant na okeanografiji na Scripps Institution.

Plastika nije jedini način na koji čovjek zagađuje okeane. Izlivanje nafte je redovna pojava u cijelom svijetu, iako većina takvih događaja izmiče zapadnim medijima.

Nije svo morsko zagađenje fizičko. Buka uzrokovana motorima brodova postaje sve veći problem koji usmrćuje kitove, delfine i lignje.



dama se smanjio za 75% tijekom posljednjih 40 godina.

Kao i kod zraka, slatke vode koje su najudaljenije od ljudi su, vjerojatno, najčišće. U ovu “kategoriju” spadaju kanadske sjeverne rijeke i jezera i vode Antarktika. Glacijalni sloj koji je formiran prije industrijske revolucije, kao i zaleđena jezera bi zapravo mogla biti netaknuta. Antarktičko jezero Vostok je skriveno ispod leda starog 400.000 godina. Te vode su čiste jer ljudi ne mogu fizički doći do njih, osim pomoću bušilice.

“Tamo gdje živi najmanje ljudske populacije ćete naći sve netaknute slatkovodne resurse”, kaže Chiramba.

Okean

Zagađenja nisu zaobišla čak ni okeane koji su u velikoj

“Postoje mjesta koja nemaju fizički otpad - ili barem mjesta na kojima nismo pronašli ostatke fizičkog otpada”, navodi Brandon. “Ali biti će teško naći mjesta koja su pošteđena ljudskog uticaja.”

Sve navedeno ukazuje na to koliko je ozbiljan naš uticaj na Planetu.

Bez obzira da li je zagađenje uzrokovano smećem, izmetom ili milijardama tona zagađivača zraka, odgovor na naše pitanje je jasan: ne postoji mjesto na planeti bez zagađenja. Drugim riječima, kako kaže Biswas, “Mi, ljudska bića smo napravili odličan posao u zagađivanju našeg okoliša.”

Volkswagen Golf Alltrack: Šminker u novom pakovanju

Nedugo nakon što je Seat pustio u prodaju off-road model Leona nazvan X-perience i Volkswagen je u Parizu predstavio njegovog brata blizanca Golfa Alltrack. Krvo srodstvo između ova dva modela, koji počivaju na MQB platformi i koriste istu pogonsku tehnologiju, više je nego očigledno.

Međutim, straha od kanibalizma nema, jer je Golfov off-road imidž osjetno jači od Leonovog. Golf Alltrack je baziran na karavanskoj verziji standardnog Golfa, koja je ušuškana plastičnim oplatom i off-road ukrasima, kako bi se naglasio njen avanturistički karakter.

Automobil je za dodatnih 20 mm podignut od tla, kako bi se pojačao osjećaj robusnosti, ali i smanjila mogućnost od oštećenja podvožja tokom vožnje izvan asfalta. Svi Alltrack modeli će se serijski isporučivati sa 4x4 pogonom sa Haldex kvačilom pete generacije i elektronskim podešavanjem sa off-road režimom. Iz Volkswagena poručuju da taj režim podrazumijeva drugačiji režim rada motora i ABS sistema. Uz Alltrack model su ponuđeni jedan benzinski i tri dizelska agregata.

Čast benzinaca brani 1.8 TSI sa 180 KS, a dizelaša 1.6 TDI sa 110 i 2.0 TDI sa 150 i 184 KS. Dva najjača motora se mogu kombinovati sa šestostepenim DSG automatikom, dok je za ostale rezervisan istostepeni ručni mjenjač. Od karakterističnih detalja, koje će Alltrack izdvajati od ostalih Golfova treba istaći 17-inčne alu naplatke, automatski klima uređaj i mul-

timedijalni sistem sa 5-inčnim na dodir osjetljivim ekranom, te specifične dezene presvlaka sjedišta sa Alltrack logotipima.

Dva prethodnika

Listajući Volkswagenove spomenare, podsjetili smo se da je Golf u dasadašnjih sedam generacija imao dva "terenska" modela. Prvi je bio zasnovan na drugoj generaciji i zvao se Golf Country. Sa uvjerljivim 4x4 pogonom i petovratnom karoserijom standardnog Syncro modela sa 1.8 benzinskim motorom, te snažnom šasijom, čiju izradu je potpisao trojac Steyr/Daimler/Puch, Country je bio i ostao Golfova off-road legenda.

Od aprila 1990. godine do oktobra 1991. u Steyrovjoj manufakturi u austrijskom Grazu izrađeno je 7.735 modela Syncro u koje se ubraja i 500 modela iz specijalne Chrome serije. Da bi se napravio jedan Country model Steyrovji radnici su morali dodati ukupno 438 novih dijelova i komponenti na standardni Golf Syncro. Country je danas jedan od najtraženijih oldtajmer primjeraka "dvojke".

Drugo off-road izdanje Golfa je bilo šminkersko i bazirano je na porodičnom Plus modelu. Cross Golf se razlikovao po plastičnim zaštitama donjeg dijela karoserije, 20 mm višem vješanju, širokim 17-inčnim alu naplacima i bogatoj serijskoj opremi. Njegov prednji pogon najbolja je potvrda skromnih off-road ambicija, koje su se vremenom pretvorile u skromne prodajne rezultate. Proizvodio se od 2007. do 2013. godine.



PROBLEMI SA SUNUSIMA?



BOLOVI?



NESANICA?



Revolucionarna tehnologija koja komunicira s tijelom

Holografski čipovi komuniciraju s tijelom preko energetski osjetljivih tačaka na tijelu zvanim meridijani-poput akupunktura, ali bez iglica.

Koriste se za: gubitak tjelesne težine, nesanicu, bolove, sinusne alergije, povećanje libida i više energije.

Holografski čipovi su mali flaster u boji kože. Čipovi se lijepe na kožu tako da ništa ne ulazi u tijelo, a potpuno su nenametljivi. Naučno je dokazano da su čipovi-flasteri veoma učinkoviti, ali najbolji dokaz su rezultati desetine hiljada ljudi širom svijeta koji ih koriste svaki dan.

HILJADUGODIŠNJA TRADICIJA AKUPUNKTURE U KOMBINACIJI SA

NAJMODERNIJOM TEHNOLOGIJOM DANAŠNJICE

HOLOGRAMSKI ČIPOVI

WWW.EM.CIEAURA.COM

20 godina kultnog filma Quentina Tarantina: Drugačiji pogled na genijalno djelo

Mnogo toga je rečeno o "Pulp Fictionu", i skoro svi kadrovi su memorisani u glavama filmofila, ali postoje teorije koje bacaju novo svjetlo na nekoliko slavni scena



Prije nekoliko dana, navršilo se dvadeset godina od premijere kultnog filma koji je uticao na odgoj miliona filmofila diljem svijeta, "Pulp Fictiona" Quentina Tarantina. Kod nas pomalo tupavo preveden kao "Pakleni šund", film je u svijetu vrlo brzo dobio odane poklonike, što kod zaljubljenika u neobuzdano nasilje, što kod ljubitelja sjajnog dijaloga. Naravno, samo jedna osoba je zaslužna za takvo uobličavanje mnoštva nespojivih elemenata u jedan, itekako prepoznatljiv i do tada rijetko viđen na filmskom platnu - sam Tarantino.

Mnogi su mu spočitavali da je jednostavno dobar kradljivac, od mnogih slavnih reditelja pokupio je ono najbolje i iskoristio u filmu za koji je dobio i Zlatnu palmu u Cannesu, za najbolji scenarij. Možda i nisu daleko od istine, ali nije samo prekomjerno nasilje kao u djelima Sama Packinpaha, ili suvisao razgovor koji traje po petnaest minuta, slično kao što to radi Woody Allen, samo uz manje humora, ono što je činilo "Pulp Fiction" tako sjajnim filmskim djelom. U njega je Tarantino uvrstio i, recimo, plejadu likova koji bi također teško bili spojivi u bilo kakvoj drugoj filmskoj varijanti. Tarantino je i među prvima ubacio eksplicitan kadar konzumacije narkotika, nešto što je prije dvije decenije također izazvalo buru negodovanja kod dijela publike. Mnogo je činjenica koje dokazuju da je Tarantinov hit i bezvremenski hit, a da se o njemu sa istim žarom govori i toliko godina kasnije, samo je još jedan dokaz tome.

Rupe na zidu

Kako se o filmu toliko toga reklo kroz godine, njegovi poklonici sada pažnju posvećuju ne samo činjenicama, nego i raznim teorijama koje pojašnjavaju detalje koji dodatno komplikuju ionako uvrnutu radnju. Jedna od njih, recimo, objaš-

njava i "veliku grešku" u filmu, koju su cjepidlake primijetile još davno. Radi se o rupama od metaka na zidu u sceni prije nego što na Vincenta Vegu i Julesa Winnfielda dečko iz WC-a istrese čitav bubnjić svog revolvera.

Dugo vremena se ova scena smatrala golemim propustom set dizajnera, ali nova teorija baca svjetlo na nju - naime, zbog činjenice da se isti taj bubanj od revolvera uopšte ne okreće, fanovi filma su utvrdili da je pucano iz pištolja koji svakako nije bio pravi, te nije mogao ni napraviti rupe u zidu. Te rupe su jednostavno postojale i ranije, a istom teorijom pada u vodu i Julesova teorija da je to bila "Božanska intervencija".

Još jedna teorija se vrti oko iste scene, samo ova potvrđuje pomenuto miješanje Svevišnjeg u situaciju na Zemlji. Ukradeni kofer Marsellusa Wallacea po koji su Vega i Winnfield ustvari i otišli u maleni sobičak sadrži nešto vrlo

vrijedno, ali nikada nije otkriveno šta zaista. Po ovoj teoriji, u njemu je - Wallaceova duša. Objašnjenje se oslanja na Bibliju, u kojoj stoji da vrug dušu čovjeka uzima kroz zatiljak. U prvoj Wallaceovoj sceni u filmu, on je sniman odzad i ima veliki flaster na zatiljku. Kofer se otvara sa šifrom 666 - svi znamo šta taj broj znači, a također, ko god otvori kofer ostaje zapanjen ljepotom onoga što je u njemu. Opet, svi znamo floskulu da je ono najljepše u čovjeku njegova duša. Tako se vraćamo i na činjenicu da su strasnu pucnjavu dvojica Wallaceovih egzekutora preživjeli: spasio ih je sadržaj kofera, ili ako baš hoćete, prisustvo Onoga ko najviše mrzi Lucifera.

Ljubav za Modesty Blaise

Treća, pomalo blesava teorija, možda ima i najviše smisla. Ona kaže da, kada god je Vincent Vega otišao u toalet, nešto grozno se desilo. Kada čovjek razmisli, to zaista i jeste tako. Prvi put su stvari pošle naopako nakon večere sa Miom Wallace. Otišao je u kupatilo, i dok je kontemplirao sam sa sobom šta dalje ("go home, j*** off"), gospođa Wallace se uljudno predozirala. Ostalo je historija. Drugi put kada je gospodin Vega otišao u toalet (u filmu, ne po slijedu radnje), tad je i skončao. Čekao je Butcha Collidgea da ga smakne, ali prevelika ljubav prema Modesty Blaise, koju je eto, pasionirano volio čitati na klonji, koštala ga je života. Posljednji put kada smo vidjeli da je Vega otišao gdje i car ide pješke, cijela kafana je postala taocem Honeybunny i Pumpkin. Što vjerovatno i nije toliko loše, jer je omogućio kolegi Winnfieldu da započne famozni razgovor i posljednji put izgovori izmišljeni citat iz Biblije, te omogućiti oboma lagan izlazak iz opasne situacije. Da nije bilo Modesty Blaise, i znajući Veginu narav, krvoproliće bi bilo evidentno.

Neprežaljena legenda roka Dženis Džoplin

U drugoj polovini 2015. godine počeo će snimanje biografskog filma o neprežaljenoj legendi bluz roka Dženis Džoplin (Janis Joplin). Za Oskara nominirana Ejmi Adams (Amy) odabrana je da glumi ovu ikonu američke kontrakulture šezdesetih godina u projektu "Get It While You Can".

Poput Brajana Džonsa (Brian Jones), Džimija Hendriksa (Jimi Hendrix), Džima Morisona (Jim Morrison) te Kurta Kobejna (Cobain), i Dženis Džoplin umrla je u 27. godini i tako se pridružila smrtonosnom "Klubu 27".

- Radije bih živjela deset superhiperludih godina nego doživjela sedamdesetu sjedeći u je*enoj fotelji ispred televizora - rekla je u jednom intervjuu Džoplin na pitanje o preranom odlasku te je tako dala svoj prilog raskalašenom rokerskom hedonizmu.

Biti umjetnica

Ova neukrotiva diva rokenrola rođena je 19. januara 1943. godine u Teksasu. Među prijateljima je bila poznata i kao Perl (Pearl), što je, ujedno, naziv njenog posljednjeg, četvrtog albuma, a samo rijetkima je dopuštala da je zovu Teks (Tex).

- Oduvijek sam htjela biti umjetnica, šta god to značilo. Neke djevojke žele biti stjuardese, ja sam čitala, slikala, razmišljala - priznala je Dženis.

Teško se uklapala u društvo. U srednjoj školi zadirkivali su je zbog fizičkog izgleda pa je dospjela na loš glas zbog maloljetničkog promiskuiteta. Nakon prve neuspješne godine na fakultetu, u ljeto 1961. godine preselila se u Los Anđeles. Prvih pet minuta slave doživjela je 1966. kao pjevačica grupe "Big Brother and the Holding Company".

U decembru 1968. odradili su posljednji zajednički nastup, a Džoplin je započela samostalnu karijeru. Često je govorila da će ljudi uništiti svoje danas budu li se brinuli šta će biti sutra pa je tako i živjela, konzumirajući velike količine alkohola i droge u kombinaciji sa poprilično neurednim načinom života.

Krajem šezdesetih njena ovisnost o heroinu postala je sve očitija. U jednom periodu pokušala se riješiti ovisnosti, ali je ubrzo ponovo počela uzimati heroin. Nakon prekida sa partnerom Dejvidom Nihausom (David Niehaus), započela je vezu sa ženom Pegi Kasertom (Peggy Caserta). Nedugo nakon toga oformila je novi bend "Full Tilt Boogie Band".

- Moj bend, napokon samo moj bend - govorila je nakon što je okupila sastav kakav je željela.

Mercedes Benz

Na "Woodstocku" je nastupala u ranim jutarnjim satima 16. avgusta 1969. godine. Te noći gledalo ju je čak 500.000 ljudi. Prema nekim izvorima, nije ni znala da će se festival održati, a još manje da će na njemu nastupiti, iako su je, bez njenog znanja, najavljivali kao jednu od važnijih izvođačica.



Prije svog nastupa, morala je čekati, jer joj je, zbog velike količine heroina, glas pucao i postao još više promukao, a i teško se kretala po pozornici. Bila je izuzetno nezadovoljna nastupom, zbog čega nije dozvolila da bude uvršten na live album "Woodstock".

Tokom septembra 1970. u Los Anđelesu je započela snimanje novog albuma. Za vrijeme snimanja upoznala je 21-godišnjeg studenta Seta Morgana (Seth), s kojim se ubrzo i zaručila.

Posljednju pjesmu snimila je 1. oktobra, a radi se o jednoj od njenih najpoznatijih i najizvođenijih numera "Mercedes Benz". Umrla je 4. oktobra 1970. godine. Pronašao ju je menadžer Džon Kuk (John Cooke) u hotelskoj sobi, a kao razlog smrti navedeno je predoziranje heroinom.

Iako snimanje albuma nikad nije dovršeno, Džoplin je iza sebe ostavila dovoljno snimljenog materijala, što je rezultiralo posthumnim objavljivanjem albuma "Pearl" 1971. godine. U svojoj četverogodišnjoj pjevačkoj karijeri otpjevala je pjesme koje slušaju i generacije rođene nekoliko decenija nakon njene smrti.

Lenonov 30. rođendan

Dženis je krajem septembra kontaktirala Joko Ono (Yoko) sa željom da snimi rođendansku čestitku za Lenonov (Lennon) 30. rođendan. Na jednodimnutnom snimku ona se obraća Lenonu te pjeva "Happy Trails Dalea Evansa". Nažalost, snimak je do Džona stigao tek nakon njene smrti.

Pet favorita za selektora reprezentacije



Vehid Halilhodžić neće biti selektor reprezentacije Bosne i Hercegovine. I konačno je to rekao predsjedniku Nogometnog saveza BiH Elvedinu Begiću u trenucima kada je naša javnost već počela gubiti strpljenje čekajući ishod razgovora i polako mu okretati leđa. Navodno su razlozi privatne prirode i to je to. Kraj priče koja je, kako je dobro konstatirao trener Širokog Brijega Slaven Musa, od samog početka izgledala nerealno.

Guranje i lobiranje

No, vrijedilo je pokušati. Svjestan želja javnosti i navijača, ali i njegovog ugleda, Nogometni savez BiH bio je obavezan sjesti za isti sto s Halilhodžićem i to su njegovi čelnici i prepoznali. Mada su odradili svoj dio posla i dva puta progutali knedlu i otišli Vahi na noge, svjesni saznanja da će mu teško slomiti otpor, Begić i njegovi saradnici nisu uspjeli ispuniti želje našoj javnosti.

Šta nakon Vahe? Dok se u Halilhodžiću vidjela prva opcija, o ostalima se nije ni govorilo niti su se oni previše isturali, znajući da prvo treba pričekati da najozbiljniji kandidat odbije. No, sada, kada se to desilo, treba očekivati pravu borbu za stolicu, guranje, lobiranje, podmetanje nogu i sve što ide uz

to na ovom našem podneblju.

Nije teško pretpostaviti da u utrci ostaje pet ozbiljnih kandidata: Mehmed Baždarević, Amar Osim, Faruk Hadžibegić, Blaž Slišković i Milovan Rajevac, kojeg zvanično podržava i predlaže Fudbalski savez Republike Srpske. Za razliku od trenerskih šarlatana, poput Nikole Nikića i Branimira Tulića, koji su uništili sve čega su se prihvatili, ovaj njihov kandidat makar se može nazvati stručnjakom.

Prolongiran rok

Ad hoc komisija NSBiH, na čelu s Begićem, treba u narednim danima izvagati sve kandidature i zaključiti čije su najozbiljnije i najrealnije te krenuti u zvanične pregovore s njima, tražeći najbolje rješenje.

- Nakon što Halilhodžić nije prihvatio prijedlog za preuzimanje selektorske uloge, članovi ovlaštene komisije obaviti će narednih dana razgovore s drugim kandidatima. Rok za definiranje prijedloga komisije Izvršnom odboru NSBiH prolongiran je zbog čekanja na konačni epilog razgovora s Halilhodžićem. Vjerovatno će trebati dodatnih sedam dana da se završi planirana procedura - kaže generalni sekretar Nogometnog saveza Bosne i Hercegovine Jasmin Baković

Milovan Rajevac -Nema šta, dokazano ime. Da je s Ganom prošao u polufinale Svjetskog prvenstva 2010. godine, što se i trebalo desiti, vjerovatno bi mu karijera bila mnogo bogatija. Zna posao i ima veoma mnogo iskustva. Plus mu je i to što ima veliku podršku Fudbalskog saveza Republike Srpske.

Milovanu bi, vjerovatno, trebalo dosta vremena da shvati s čim se uhvatio ukoštac. Nikada nije radio u BiH i ne zna kakve ga okolnosti ovdje čekaju. Pitanje je i kako bi bio prihvaćen u našoj svlačionici. Također, sigurno nije među jeftinijim rješenjima, a mali problem je i u podatku da već tri godine nigdje ne radi.

Blaž Slišković -Interesantno je to da Baku direktno predlaže Ivica Osim, što je veliki plus. Sliškovićevo znanje nije sporno, zna gledati i procjenjivati stvari, što je pokazao u nizu komentara o reprezentaciji BiH. Već je bio selektor i greške koje je tada pravio, a kojih je sigurno bilo, vjerovatno ne bi ponavljao. Teškog je karaktera, što naša svlačionica, uz činjenicu da je bio veliki igrač, sigurno treba. Također, vjerovatno ne bi bio skupa opcija. I znao bi kako će sa medijima.

Baka bi se teško riješio tereta svog prošlog mandata, tokom kojeg nije bio miljenik navijača. Više krivicom drugih koji su tada vodili NSBiH i reprezentaciju, nego svojom, u očima javnosti nije ostao upamćen po dobrom. Morao bi učiniti baš nešto veliko da zbaci taj teret sa sebe. Amar Osim -Uz Baku, ima najveći plus u tome što najbolje poznaje surovi ambijent u kojem bi radio - mentalitet igrača, pritisak, svu pogan ovog podneblja, glupost medija... Njegov ego veći je od Džekinog i sigurno mu ne bi nedostajalo autoriteta u svlačionici. Pored toga, niko ne može osporiti činjenicu da je pronicljiv i uspješan trener, jer to, realno, jeste. Cijena? Vjerovatno prihvatljiva za NSBiH.

Koliko god mu to bila vrlina, najveća mana mu je to što mu je otac Ivica. Iz njegove sjene može izaći samo ako s Donjim Moštrama uspije osvojiti Ligu prvaka. Također, nije bio veliki igrač. Osim toga, dio javnosti, na čelu sa pristalicama Sarajeva, sigurno bi se protivio njegovom imenovanju. Dosta je onih koji će postaviti i pitanje je li mu reprezentacija, sa svim svojim zamkama, prevelik zalogaj. Sputava ga i to što bi Ivica, iz moralnih razloga, prije podržao bilo koga drugog osim svog sina.

Faruk Hadžibegić -Veliko fudbalsko ime. Već je bio selektor, ali u teškim okolnostima u kojima možda nije ni mogao dati više od sebe. Sošo je 1997. godine uveo u prvu francusku ligu, a 2001. i Betis u prvu špansku. Ispostavio se dobrim vatrogascem, kakav bi možda i nama dobro došao. Pretpostavka je da bi i s finansijske strane bio dobro rješenje.

Dugo nije radio, još od 2011. godine. Više se bavio drugim stvarima nego što je trenirao. Vodio je ukupno 11 ekipa, ali nikada nijednu s naših prostora, izuzimajući selekciju BiH. Pitanje je i kakvu podršku ima unutar Izvršnog odbora Nogometnog saveza BiH.

Mehmed Baždarević -Veliko ime našeg fudbala koje, prije ili kasnije, mora dobiti priliku da vodi reprezentaciju. Kao trener, dokazao se na klupi francuskog Istra, loše ekipe iz koje je crpio maksimum i uveo je u prvu ligu. Etoal Sahel doveo je do finala Afričke lige prvaka, ali je izgubio titulu



prvaka Tunisa. Nema sumnje da bi imao podršku javnosti, a ima i dovoljno veliko ime i pozitivnu dozu bezobrazluka da u svlačionici može zagalamiti na svakoga.

Meša nikada nije radio u BiH. Prije je stranac nego domaći trener. Slično Rajevcu, sigurno bi mu trebalo vremena da shvati s čim se suočava i da pohvata konce. U dosadašnjim razgovorima, predstavljao se prilično skupim. Meša sebe cijeni i to ni ne krije.

O strancima se još ne govori

Dok ima domaćih varijanti, teško je očekivati da se jedan stranac shvati kao ozbiljna opcija. Ko zna koliko bi novca tražili Feliks Magat (Felix Magath) ili Đovani Trapatoni (Giovanni Trappatoni)? Od ostalih, treba spomenuti Enca Šifa (Enzo Scifo), bivšeg francuskog selektora Žaka Santinija (Jacques), koji će, navodno, ovih dana predati kandidatutu, Lotara Mateusa (Lothar Matthaus)... ali je o njima za sada glupo govoriti dok se ne iscrpe realnije mogućnosti.



Neočekivani znakovi koji odaju da ste inteligentni

Ukupna inteligencija je skup one emotivne i logičke, a jedna od osobina pametnih ljudi je da oni ne gube svoje vrijeme u raspravama, konfliktu i vječitim sukobima sa drugima...

Ljudi mogu da budu uvjereni u svoju inteligenciju, ali ako govore više nego što slušaju, uvijek su u sukobu, ne prepoznaje se njihov rad na poslu - ipak nisu toliko pametni.

Uvijek u sukobu sa drugima

Ukupna inteligencija je skup one emotivne i logičke, a jedna od osobina pametnih ljudi je da oni ne gube svoje vrijeme u raspravama, konfliktu i vječitim sukobima. Ako se uvijek svađate sa svojim kolegama, nadređenima, prijateljima i partnerom, to je pokazatelj vaše potrebe za dokazivanjem, odnosno znak nedostataka samopouzdanja. Inteligentni ljudi brzo uče na koje "ratove" da gube energiju, kao i one u kojima je to besmisleno.

Nikako da uspijete u poslu

Mišljenja su u životu uvijek vrlo subjektivna i nisu pokazatelj stvarnog uspjeha. S druge strane, rezultati su ti koji to definitivno otkrivaju. Nije poenta u tome da treba da budete direktor kompanije da biste mjerili svoju inteligenciju, već da završavate projekte koje započnete, imate jasne ciljeve i usvajate nova znanja i vještine, objašnjavaju psiholozi.

Više pričate nego što slušate

Često se kaže da je čovjek stvoren s dva uvjeta i jednim ustima jer treba više da sluša nego da govori. Psiholozi se slažu da je upravo umijeće slušanja važna osobina pametnih ljudi. Oni slušaju tuđe ideje, znanja i kritike, kreiraju svoje mišljenje o njima i razmišljaju prije nego što im pristupe. Brbljivost može da bude povremeno ponašanje, ali je loše ako ona postane osobina.

Mišljenje drugih

Da li drugi traže savjete od vas? Da li uvažavaju vaša razmišljanja? Da li žele da razgovaraju s vama o svojim problemima ili dilemama? Da li misle da ste pametni i sposobni? To su neka od pitanja koja mogu da vam daju dobar uvid u to koliko ste pametni. Premda se kaže kako ne bi trebalo da se opterećujemo razmišljanjem drugih ljudi, mišljenje bližnjih svakako treba uzeti u razmatranje.

Pod stalnim pritiskom

Ljudi koji su uvijek u žurbi, promjenljivog položaja i energije definitivno nisu pametni u pogledu organizacije. Iako ponekad te stvari ovise od okolnosti, stalan haos je pokazatelj nedostatka životne inteligencije, ali na sreću i na ovom faktoru, kao i na one prethodne, može da se poradi, tvrde psiholozi.



Pripremite svoj imunitet

Nutricionisti se slažu u mišljenju da je zima možda i najvažnije godišnje doba za pažljiv odabir onoga što jedemo jer nemamo toliko šarolik i pristupačan izbor voća, povrća i ostalih namirnica, a viroze i razne prehlade su puno češće.

Raštika - Prava je zimska poslastica jer ima mnogo vitamina A i K, ali i dovoljno antioksidanata koji jačaju imunitet u hladnim danima. Jedna porcija sadrži 7,6 grama vlakana, što, prema američkom ministarstvu poljoprivrede, može sniziti tjelesnu apsorpciju kalorija od pojedenih ugljikohidrata. A, najbolji dio svega je taj što ćete pojesti tek 46 kalorija.

Tikva - Bogate su vitaminima A i C te željezom i riboflavinom (B2), što vam može poboljšati raspoloženje nekog turobnog dana. Tikve s tamnijom korom imaju više fitohemikalija, a one su, pak, važne za zdravlje organizma.

Nar - Različita istraživanja do sada su pokazala da nar ima bogatstvo antioksidanata, a povećano konzumiranje štiti kardiovaskularni sistem, utječe na usporavanje artritisa, ali dobro djeluje i na prostatu, krvni pritisak, Alzheimerovu bolest, plodnost i starenje općenito. I sok od nara ima mnoge blagodati za organizam. Neke studije su tako pokazale da pomaže u borbi protiv anemije, raka prostate, bolesti srca i smanjuje nivo LDL (lošeg) holesterola. Budući da ima visok nivo vitamina C, ima i snažno protivupalno djelovanje.

Kaki ili japanska jabuka - Slađa od breskvi i jednako



zdrava, ako ne i više, osigurat će vam oko 55 posto preporučenog dnevnog unosa vitamina A, oko 21 posto vitamina C, 25 posto vlakana i 30 posto mangana.

Grejp - Osim što je pun vitamina, poput ostalih agruma i voća općenito, grejp je odličan saveznik u borbi protiv viška kilograma. Studija objavljena u "Journal of Medicinal Foodu" pokazala je da su ispitanici smršavili gotovo dva kilograma više od ostalih ako su tri puta dnevno, prije svakog obroka, pojeli pola grejpa. Takav način prehrane trajao je 12 sedmica.



**OVAN** (21.03 - 20.04)

Ljubav: Ukoliko ste u braku, pred vama je dobar ljubavni period.

Zdravlje: Ukoliko vas stres ne sagori, onda će sigurno nervoza.

**BIK** (21.04 - 20.05)

Ovog mjeseca novac diktira raspoloženje.

Ljubav: Ukoliko ste u mirnoj i stabilnoj ljubavnoj vezi, ne očekujte veće turbulencije.

Zdravlje: Koristite nešto za jačanje imuniteta.

**BLIZANCI** (21.05 - 20.06)

Ljubav: Ova riječ za vas lagano prelazi u domenu prošlosti.

Zdravlje: Manja nervoza početkom mjeseca čini vas podložnim negativnim mislima.

**RAK** (21.06 - 20.07)

Ljubav: Trenutno ste najviše interesiranja usmjerili upravo na finansije i posao, pa je ljubav malo po strani. Zdravlje: Tromiji ste nego inače i manjka vam energije.

**LAV** (21.07 - 21.08)

Imate dovoljno neprijatelja koji jedva čekaju da napravite pogrešan korak.

Ljubav: Dovoljno ste zavodljivi i poželjni za suprotan spol. Zdravlje: Dobro.

**DJEVICA** (22.08 - 22.09)

I dalje čvrsto stojte na poziciji. Saradnici su se uvjerali u vaše kvalitete.

Ljubav: Partner je nekako došao na drugo mjesto. Zdravlje: Očekujte glavobolju.

**VAGA** (23.09 - 22.10)

Vama je zaista krenulo. Nižete uspjeh za uspjehom. Ljubav: Ljubavni život pomalo trpi zbog drugih stvari kojima ste okupirani.

Zdravlje: Izvrsno.

**ŠKORPIJA** (23.10 - 22.11)

Iako vam se radno mjesto čini kao poprište borbe, uživat ćete u nekim od zadataka.

Ljubav: Očekujte lijepe trenutke.

Zdravlje: Zdravlje je prilično ugroženo.

**STRIJELAC** (23.11 - 20.12)

Ako je vaš posao na neki način povezan sa inostranstvom, očekujte da ćete imati buran mjesec.

Ljubav: Ukoliko ste u vezi, morat ćete partneru objasniti neke stvari. Zdravlje: Odlično.

**JARAC** (21.12 - 19.01)

Posao koji obavljate bi u narednom mjesecu mogao biti manji nego inače.

Ljubav: Oni koji imaju stalnog partnera mogu očekivati prijatne trenutke. Zdravlje: Čuvajte se.

**VODOLIJA** (20.01 - 18.02)

Ljubav: Podredili ste sve partneru kojem ste sad jako potrebni.

Zdravlje: Isviše ste umorni i to je ono što je najveći problem u toku ovog mjeseca.

**RIBE** (19.02 - 20.03)

Ljubav: Neki od vas će u ovom periodu intenzivnije razmišljati o potomstvu.

Zdravlje: Ovog mjeseca ćete nastojati da poradite na svom izgledu.

Mala riznica velikih misli



Francois - Marie Arouet de Voltaire
(1694 - 1778)

Vrijeme izriče pravdu i stavlja sve stvari na svoje mjesto.



William Shakespeare (1564 - 1616)

Bolje tri sata prerano nego minutu prekasno.



Mahatma Gandhi (1869 - 1948)

Ti i ja nismo drugo doli jedno biće. Ne mogu povrijediti tebe, a da time i sebe ne povrijedim.



Immanuel Kant (1724 - 1804)

Dužnost prema samome sebi se sastoji u tome da čovjek očuva ljudsko dostojanstvo u vlastitoj ličnosti.



Ivo Andrić (1892 - 1975)

Stradanje i grijeh se upotpunjuju kao kalup i njegov odljevak.

Scarlett Johansson i zaručnik Romain vjenčali se u tajnost



Scarlett iza sebe ima brak s Ryanom Reynoldsom (38). Par je u braku bio od 2008. do 2011. godine, a glumica je vezu s novinarom Romainom započela 2012. godine

Glasine o vjenčanju Scarlett Johansson (30) i Romaina Dauriaca (31) pojavile su se prošli mjesec nakon što je glumica viđena s dijamnatnim prstenom na ruci. Kako piše New York Post, par se zbilja i vjenčao u tajnosti.

- Scarlett i Romain izmjenili su zavjete na privatnoj ceremoniji. Vjenčanje su pripremili za najbližu obitelj i prijatelje - rekao je izvor.

Vjenčali su se na tajnoj lokaciji u Americi, iako su prvo imali u planu proslavu uprilčiti u Parizu, Dauriacovom rodnom gradu. Početkom septembra Scarlett je rodila njihovo prvo dijete, kćer Rose.

De Rosijeva bivša uhapšena zbog otmice

Tamara Piznoli, bivša supruga fudbalera Rome, uhapšena je danas zbog kidnapovanja i prijetnji smrću neimenovanom biznismenu.

Danijele de Rosi (31) bio je tri godine u braku sa nekadašnjom igračicom, od koje se razveo 2009. i sa kojom ima kćerku Gaju.

"Ona je uhapšena jer je osnovano sumnjiče da je član osmočlane bande koja je kidnapovala i mučila biznismena iz Rima. Mučen je u svom stanu, a ona će do daljeg biti u kućnom pritvoru", piše "Korijere delo sport".

Nezvanično, uhapšena grupa pokušala je da iznudi 200.000 evra od kidnapovanog.

Piznolijeva je kćerka Masima Piznolija, ubijenog 2008, kojeg su za života teretili za razne poslove u vezi sa drogom, krađama, pljačkama banaka... Neposredno prije nego što je pronađeno njegovo tijelo, sumnjičen je da je učestvovao u krađi oko 10 miliona evra iz jedne italijanske banke.



Burt Reynolds do grla u dugovima: Dužan više od milion dolara

Holivudska legenda Burt Reynolds opet je u novčanim problemima. Dužan je 1,2 miliona dolara za hipoteku koju je uzeo na kuću u kojoj živi. Ovog puta voda mu je došla do grla i spreman je prodati sve što ima kako bi preživio. Na popisu stvari koje prodaje preko aukcijske kuće Julien's je Zlatni globus koji je dobio za sporednu ulogu u filmu "Boogie Nights", crvena kožnata jakna koju je nosio dok je glumio u "Smokey and Bandit 2", automobili, čizme kaubojke, sunčane naočale te džepni sat koji je dobio na dar od Sally Field.

Burt će također probati zaraditi prodajom boksačkih rukavica s autogramom koje je dobio od Muhammeda Alija te prodajom kočije koju je Dolly Parton dala izraditi samo za njega. Aukcija će se održati 11. decembra u Palms casinu u Las Vegasu. Reynolds je 70-ih bio jedna od najvećih zvijezda Hollywooda. Bankrotirao je jer je donio

niz loših poslovnih odluka. Glumac je 2010. bio na operaciji kojom su mu ugradili srčanu prenosnicu. Još 2011. banka je njegovu vilu na Floridi stavila na prodaju jer nije mogao plaćati rate kredita. Naplatili su što im je duguovao i dobio je ostatak novca. Ovo ljeto bivša supruga Loni Anderson (68) tužila ga je jer joj nije isplatio cijeli iznos koji je trebala dobiti u podjeli imovine nakon rastave. Sud je odlučio u njenu korist i Burt Reynolds(78) morao joj je isplatiti 280.000 dolara.



su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

8	7	9	2	1	3	6	5	4
6	1	4	9	8	5	7	2	3
3	2	5	7	6	4	9	8	1
1	3	6	8	4	7	5	9	2
9	8	2	3	5	6	1	4	7
5	4	7	1	9	2	3	6	8
7	6	3	4	2	9	8	1	5
4	9	1	5	7	8	2	3	6
2	5	8	6	3	1	4	7	9

				9		3		
6		2						
					7	2	6	4
							1	5
	3		8		4		7	
2	8							
9	7	3	5					
							1	6
			1		3			

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:
 Europa Magazine (pretplata), P.O. Box 867, Lawrenceville, GA 30046-0867
 E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
 [] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____



E-mail: redakcija@europamagazine.info • Tel: 678.743.5731
 Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



Posle sexa, leže Mujo i Fata opušteni na krevetu, pa Fata zabrinuto upita:

- Mujo bolan, kako će se zvati sad ovo naše dijete?
- Kakvo bona dijete, prenerazi se Mujo?
- Pa ovo bolan, što ga maloprije napravi, odgovori Fata.

A Mujo pogleda sebi među noge, pa skide prezervativ, sveza ga na čvor, podiže uvis i gledajući u sadržaj, odgovori:
- "E vala ako se iz ovoga izvuče, zvaće se DEJVID KOPERFILD!"

I Albanija uvela sankcije Rusiji.
Eh, Rusi, što ste se drogirali, drogirali ste se...

Šetaju dva psa ulicom i jedan kaže:
- Juče su postavljali nove bandere.
Drugi:
- E, to mora da se zalije!

-Razgovaraju mucavac i ćelav čovjek.

Kaže mucavac:

-Kooollikooo tiiiiii poottrooššiš na frizzzeerrraaaa?

Kaže ćelavac:

-Mnogo manje nego ti na telefon.

Mali komarac se vraća kući poslije svog prvog leta. Mama ga upita.

Mama: Sine, kako je bilo?

Komarac: Super, svi su mi pljeskali!

Dolazi žena kod doktora.

-Doktore, koliko bih ja trebala biti visoka za svoju težinu?

-4 metra, gospođo.

-Eto, ja svima govorim da sam niska, a oni navalili debela, pa debela!!!!

vicevi

MALI OGLASI

Europa magazin Vam nudi besplatne privatne male oglase do 20 riječi.
Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

011387 33 618 325

Izdajem dvosoban stan u
Lawrenceville.Tel: 770 338 9507

Prodajem kuću 10X10m2 na sprat (
plac 400m2).Centar Banovića.
Tel: 011387 66 396 960

Razno

Povoljno i sigurno čuvanje Vaše
djece-Lawrenceville.
Tel: 404 819 3419

Upoznao bih ženu,bosanku,staru
do 60.godina radi druženja.
Tel: 314-484-5049

Traži se žena za čišćenje kuća.
Fleksibilni sati. Mogućnost dobre
zarade. Sve informacije na
telefon:404-547-7017

Živim u Njemačkoj sa bratom.
Željela bih upoznati muškarca
60-ih godina radi druženja i braka.
Tel: 01149-703-123-6738

Živim u U.S.A. država Teksas i
željela bih upoznati slobodnog
muškarca koji živi ovdje u U.S.A.
od 55 godina radi zajedničkog
druženja i mogućeg braka.
Tel: 469-449-7095

Prodajem harmoniku Dallape Super
Maestro 12+1+7.Tel: 727 333-
1317

Prodaja

Izdajem dvosoban renoviran stan
u Lawrenceville. Cijena \$ 700.00,
struja i voda uključeni u cijenu.
Tel: 470 214 7619

Prodajem trosoban stan 83m2 na
trećem spratu u Lukavcu.
Tel: 904 514 2133

Prodajem kuću na sprat 117m2
u Novom Travniku,centar grada.
Mali poslovni prostor.Cijena po
dogovoru.
Tel: 01149 703 123 5002

Prodajem stan: Podlugovi,zgrada
željeznička stanica, papiri
1/1,54m2,potrebna adaptacija.
Tel: 206-769-4447

Prodajem stan u Tuzli 63m2.
Cijena 1100km/m2 ili po dogovoru.
Lokacija Dragolod (blizu stadiona).
Tel: 727-488- 3164

Prodajem kuću,predgrađe Saraj-
eva,140m2,telefon,struja,voda,4
duluma zemlje sa 108 voćaka.
Tel:011381 64 886 2544

Izdajem dvosoban stan u podrumu-
basement.\$ 800.00. U cijenu
uračunata struja voda i gas.
Tel: 404 518 0925

Prodajem dvospratnu kuću u
Sarajevu,Vraca,u blizini policijske
škole.Površina 200m2+dvorište i
privatni put.Tel: 704 900 4621 ili

**KUPON ZA BESPLATNE MALE OGLASE
DO 20 RIJEČI**

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731

Europa

E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic De-
sign Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina
BosnaTV
bosnatv.com
USA/Kanada 1.800.771.0790

 **FASTV**
www.fastv.com
1-866-639-8911

EMC CARGO

WWW.EMCCARGO.COM




 **\$1.290**

AUTOMOBIL

 **\$1.390**

SUV/VAN

 **\$690**

MOTOR

 **\$790**

JET SKI/ATV

 **\$99**

PAKET

 **od \$100**

NAMJEŠTAJ
(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271